

四庫全書薈要

• 乾隆御覽本

史部

資治通鑑卷一百七十七 宋 司馬光 撰

胡三省 音註

隋紀一

一起屠維作噩盡重光大淵獻凡三年 隋即春秋隨國為楚所滅以為縣秦漢屬南陽郡

晉屬義陽郡後分置隨郡梁曰隨州後入西魏楊忠從周太祖以功封隨國公子堅襲爵受周禪遂以隨為國號又以周齊不遑寧處去之作隋以之訓走故也之音綽

高祖文皇帝上之上

諱堅姓楊氏隋書云弘農郡華陰人也漢太尉震八代孫

鉉生子元壽後魏時為武川鎮司馬子孫因家焉元壽玄孫忠從周太祖起義關西寔生帝自

陳宣帝太建十三年至開皇九年隋有西北八年矣以通鑑紀年於此九年為隋紀年之始故

書上
之上

開皇九年

帝以陳高宗太建十三年受周禪至是年平陳混一天下通鑑紀事乃以開皇繫年

春

正月乙丑朔陳主朝會羣臣大霧四塞

朝直遙翻塞悲則翻

入人

鼻皆辛酸陳主昏睡至晡時乃寤

日加申為晡晡奔謨翻

是日賀

若弼自廣陵引兵濟江

若人者翻

先是弼以老馬多買陳船

而匿之買弊船五六十艘置於瀆內

先悲薦翻艘蘇滑翻水注濬曰瀆

陳人覘之以為內國無船

覘丑廉翻又丑艷翻內國即中國隋避諱改曰內

弼

又請緣江防人每交代之際必集廣陵於是大列旗幟

營幕被野

懺昌志翻被皮義翻

陳人以為隋兵大至急發兵為備

既知防人交代其衆復散後以為常不復設備

復扶又翻

又

使兵緣江時獵人馬喧譟故弼之濟江陳人不覺韓擒

虎將五百人自橫江宵濟采石

橫江浦在和州界采石磯在今太平州北三十

里對岸津渡處將即亮翻下將兵同守者皆醉遂克之

德祐甲戌十有二月沙武口之事亦

猶晉王廣帥大軍屯六合鎮桃葉山

隋志江都郡六合縣舊曰尉氏置秦

郡後齊置秦州後周改州曰方州改郡曰六合開皇初郡廢四年改尉氏曰六合張舜民曰桃葉山即今瓜步

鎮之地帥
讀曰率

丙寅采石戍主徐子建馳啟告變丁卯召公

卿入議軍旅戊辰陳主下詔曰犬羊陵縱侵竊郊畿蜂

蠆有毒宜時掃定

蠆丑
邁翻

朕當親御六師廓清八表內外

並可戒嚴以驃騎將軍蕭摩訶護軍將軍樊毅中領軍

曾廣達並為都督

驃匹妙翻
騎奇寄翻

司空司馬消難湘州刺史

施文慶並為大監軍

去年冬陳主擢施文慶督湘州未
及之鎮而隋兵渡江難乃旦翻監

工衛
翻

遣南豫州刺史樊猛帥舟師出白下

陳南豫州治
宣城時徙鎮

姑孰白下城今白石壘唐武德移
江寧縣於此名白下縣帥讀曰率
散騎常侍臯文奏將

兵鎮南豫州重立賞格僧尼道士盡令執役

尼女夷翻

庚午

賀若弼攻拔京口執南徐州刺史黃恪

南徐州治京口

弼軍令

嚴肅秋毫不犯有軍士於民間酤酒者弼立斬之所俘

獲六千餘人弼皆釋之給糧勞遣

勞力到翻

付以敕書令分

道宣諭

令力丁翻

于是所至風靡獎猛在建康其子巡攝行

南豫州事辛未韓擒虎進攻姑孰半日拔之執巡及其

家口

今太平州當塗縣南二里有姑孰溪西入大江蓋因舊鎮而得名

臯文奏敗還江

南父老素聞擒虎威信來謁軍門者晝夜不絕魯廣達

之子世貞在新蔡與其弟世雄及所部降於擒虎

侯景之亂

魯悉達糾合鄉人以保新蔡魯氏遂世襲以事陳新蔡注見一百五十四卷梁世祖承聖元年降戶江翻遣

使致書招廣達

使既又翻

廣達時屯建康自劾詣廷尉請罪

劾戶禁翻又戶得翻

陳主慰勞之加賜黃金遣還營

勞力到翻

樊猛與

左衛將軍蔣元孫將青龍八十艘於白下遊奕以禦六

合兵陳主以猛妻子在隋軍懼有異志欲使鎮東大將

軍任忠代之

任音壬

令蕭摩訶徐諭猛猛不悅陳主重傷

其意而止

重如字難也

于是賀若弼自北道韓擒虎自南道

並進

京口於建康為北姑孰於建康為南

緣江諸戍望風盡走弼分兵斷

曲阿之衝而入

曲阿本雲陽秦時人言其地有天子氣始皇鑿北坑以敗其勢截直道使阿曲

改曰曲阿其地在武進丹徒二縣之間弼分兵斷其衝恐三吳之兵入救建康倚其後也斷音短

陳主

命司徒豫章王叔英屯朝堂蕭摩訶屯樂遊苑

朝直遙翻樂音

洛樊毅屯耆閣寺

開視進翻

曾廣達屯白土岡忠武將軍孔

範屯寶田寺

忠武將軍梁置班十九陳擬官品第四秩中二千石位次四平將軍

己卯任

忠自吳興入赴

去年使任忠出守吳興

仍屯朱雀門

晉孝武帝建朱雀門上有

兩銅雀前直大航謂之朱雀航

辛未賀若弼進據鍾山

鍾山在今上元縣東北十八里

輿地志古曰金陵山縣名因此又名蔣山漢末秣陵尉蔣子文討賊死此山下孫氏都秣陵以其祖諱鍾因改名蔣山
頓白土岡之東晉王廣遣總管杜彥與韓擒虎合

軍步騎二萬屯于新林

新林浦去今建康城二十里西直白鷺洲

蘄州總管

王世積以舟師出九江

蘄音機又音其王世積闕熙新國人按班志廬江郡尋陽縣禹

貢九江皆在南東合為大江應邵曰江自廬江尋陽分為九漢之尋陽縣在今蘄州界王世積以舟師自蘄水出大江因破陳將紀瑱於蘄口蘄水入江之口將即亮古國字
翻下同瑱他殷翻又音

鎮陳人大駭降者相繼

降戶江翻

晉王廣上狀

上時掌翻

帝大悅

宴賜羣臣時建康甲士尚十餘萬人陳主素怯懦不達

軍士

懦乃卧翻又奴亂翻士讀曰事

唯日夜啼泣臺內處分一以委施

文慶

處昌呂翻分扶問翻

文慶既知諸將疾已恐其有功乃奏曰

此輩快快

快於兩翻

素不伏官迫此事機那可專信由是諸

將凡有啟請率皆不行賀若弼之攻京口也蕭摩訶請

將兵逆戰陳主不許及弼至鍾山摩訶又曰弼懸軍深

入壘塹未堅

塹七飽翻

出兵掩襲可以必克又不許陳主召

摩訶任忠於內殿議軍事忠曰兵法客貴速戰主貴持

重今國家足兵足食宜固守臺城緣淮立柵北軍雖來

勿與交戰分兵斷江路

斷丁管
翻下同

無令彼信得通給臣精

兵一萬金翅三百艘下江徑掩六合彼大軍必謂其度

江將士已被俘獲自然挫氣

被皮
義翻

淮南土人與臣舊相

知悉今聞臣往必皆景從

師古曰景從言
如景之從形也

臣復揚聲欲

往徐州斷彼歸路則諸軍不擊自去

徐州彭沛之路也
復扶又翻斷丁管

翻待春水既漲上江周羅暉等衆軍必沿流赴援

周羅
暉時

督水軍
在郢漢

此良策也陳主不能從明日歛然曰

歛許
勿翻

兵久

不決令人腹煩可呼蕭郎一出擊之任忠叩頭苦請勿

戰孔範又奏請作一決當為官勒石燕然

孔範以竇憲破匈奴事自

詭姦諂之誤國亡家如此為子偽翻下同燕於賢翻

陳主從之謂摩訶曰公可為

我一決摩訶曰從來行陳

行戶剛翻陳讀曰陣

為國為身今日之

事兼為妻子陳主多出金帛賦諸軍以充賞

賦給與也分界也

甲申使魯廣達陳於白土岡

陳讀曰陣下同

居諸軍之南任忠

次之樊毅孔範又次之蕭摩訶軍最在北諸軍南北亘

二十里首尾進退不相知賀若弼將輕騎登山望見衆

軍因馳下與所部七總管楊牙負明等

將即亮翻騎奇寄翻下同負音

運姓也

甲士凡八千勒陳以待之陳主通於蕭摩訶之妻

故摩訶初無戰意唯魯廣達以其徒力戰與弼相當隋

師退走者數四弼麾下死者二百七十三人弼縱烟以

自隱窘而復振

窘渠隕翻復
越又翻下同

陳兵得人頭皆走獻陳主

求賞弼知其驕惰更引兵趣孔範

趣七喻翻
又讀曰趣

範兵暫交

即走陳諸軍顧之騎卒亂潰不可復止死者五千人負

明擒蕭摩訶送於弼弼命牽斬之摩訶顏色自若弼乃

釋而禮之任忠馳入臺見陳主言敗狀曰官好住

好宜
也住

止也今南人猶有是言

臣無所用力矣陳主與之金兩滕

滕徒登翻以繩

約物

使募人出戰忠曰陛下唯當具舟楫就上流衆軍

謂往就周羅喉等

臣以死奉衛陳主信之敕忠出部分

分扶問翻

令

宮人裝束以待之怪其久不至時韓擒虎自新林進軍

忠已帥數騎迎降於石子岡

帥讀曰率降戶江翻下同

領軍蔡徵守

朱雀航聞擒虎將至衆懼而潰忠引擒虎軍直入朱雀

門陳人欲戰忠揮之曰老夫尚降諸軍何事

軍或作君

衆皆

散走于是城內文武百司皆遁唯尚書僕射袁憲在殿

中尚書令江總等數人居省中陳主謂袁憲曰我從來
接遇卿不勝餘人今日但以追愧

此猶劉禪之於邵正也

非唯朕

無德亦是江東衣冠道盡陳主遑遽將避匿憲正色曰

北兵之入必無所犯大事如此陛下去欲安之臣願陛

下正衣冠御正殿依梁武帝見侯景故事

事見一百六十二卷梁武

帝太清三年

陳主不從下榻馳去曰鋒刃之下未可交當吾

自有計從宮人十餘出後堂景陽殿將自投于井憲苦

諫不從後閤舍人夏侯公韻以身蔽井

夏戶雅翻

陳主與爭

久之乃得入既而軍人窺井呼之不應欲下石乃聞叫聲以繩引之驚其太重及出乃與張貴妃孔貴嬪同束

而上

祝穆曰景陽井在法寶寺或云白蓮閣下有小池面方丈餘或云在保寧寺覽輝亭側舊傳云欄有

石脉以帛拭之作胭脂痕一名胭脂井又名辱井梁制有殿中舍人守舍人陳制殿中舍人為三品藎位守舍人為三品勲位在九品之外後閣舍人蓋殿中舍人之守後閣者 沈后居處如常

虞昌呂翻

太子深年十五閉閣而坐舍人孔伯魚侍側

此太子舍人也梁制

太子中舍人四人掌其坊之禁令舍人十六人掌文記中舍人八班舍人三班陳制中舍人六百石舍人亦如

之軍士叩閣而入深安坐勞之曰

勞力到翻

戎旅在塗不至

勞也軍士咸致敬焉時陳人宗室王戾在建康者百餘人陳主恐其為變皆召入令屯朝堂使豫章王叔英總督之又陰為之備及臺城失守相帥出降

朝直遙翻下同守式又翻

帥讀曰率降戶江翻

賀若弼乘勝至樂遊苑

樂音洛

魯廣達猶督餘

兵苦戰不息所殺獲數百人會日暮乃解甲面臺再拜慟哭謂衆曰我身不能救國負辜深矣士卒皆流涕獻

歎

獻音虛歎音希又許既翻

遂就擒諸門衛皆走弼夜燒北掖門入

聞韓擒虎已得陳叔寶呼視之叔寶惶懼流汗股栗向

弼再拜弼謂之曰小國之君當大國之卿拜乃禮也入

朝不失作歸命侯

朝直遙翻孫皓降晉封歸命侯

無勞恐愆既而恥功

在韓擒虎後與擒虎相詢挺出而

詢苦候翻罵也挺拔也

欲令

蔡徵為叔寶作降箋命乘騾車歸已

騾盧戈翻

事不果弼置

叔寶於德教殿以兵衛守高頴先入建康頴子德弘為

晉王廣記室

頴居永翻隋制諸王記室參軍在錄事功曹之下

廣使德弘馳詣

頴所令留張麗華頴曰昔太公蒙面以斬妲己

妲己有蘇氏美

女商紂嬖之武王勝殷殺紂并殺妲己妲當割翻已音紀

今豈可留麗華乃斬之於

青溪德引還報廣變色曰昔人云無德不報

詩大雅抑之詞

我

必有以報高公矣由是恨頰

使高頰留麗華而廣納之文帝必怒安得成他日奪

嫡之謀是誠宜德之也頰

恨之邪史為廣殺頰張本

丙戌晉王廣入建康以施文

慶受委不忠曲為諂佞以蔽耳目沈客卿重賦厚斂以

悅其上與太市令陽慧朗刑法監徐析尚書都令史暨

慧皆為民害斬於石闕下以謝三吳

斂力賄翻暨戟乙翻陽慧朗一作惠

朗暨慧之下逸景字

使高頰與元帥府記室裴矩

帥所類翻

收圖籍封

府庫資財一無所取天下皆稱廣以為賢矩讓之之弟

子也

裴讓之見一百五十八卷梁武帝大同四年

廣以賀若弼先期決戰違

軍令收以屬吏

先悉薦翻屬之欲翻

上驛召之詔廣曰平定江表

弼與韓擒虎之力也賜物萬段又賜弼與擒虎詔美其

功開府儀同三司王頒僧辯之子夜發陳高祖陵焚骨

取灰投水而飲之

報讐也陳高祖殺僧辯事見一百六十六卷梁敬帝紹泰元年

既而

自縛歸梟於晉王廣廣以聞上命赦之詔陳高祖世祖

高宗陵總給五戶分守之上遣使以陳亡告許善心

使疏

吏翻善心衰服號哭於西階之下藉草東向坐三日

去年陳遣

善心來聘留於客館不遣還事見上卷西階賓階也
敕哀服藉草喪禮也哀吐雷翻號戶刀翻藉慈夜翻

書唁焉

唁魚戰翻
弔生曰唁

明日有詔就館拜通直散騎常侍

散

賈翻騎

賜衣一襲

衣單複
具曰襲

善心哭盡哀入房改服

改哀
服服

奇寄翻

賜復出北面立

復扶
又翻

垂泣再拜受詔明日乃朝

朝直

伏

泣於殿下悲不能興上顧左右曰我平陳國唯獲此人

既能懷其舊君即我之誠臣也敕以本官直門下省

通

散騎常侍屬門下省今敕善心以本官直門下省何也
按唐六典晉始有門下省散騎常侍雖隸門下別為一
省潘岳云寓直散騎之省是也此隋所以陳水軍都督
命許善心以通直散騎常侍直門下省歟

周羅暉與郢州刺史荀法尚守江夏

江夏陳郢州治所夏戶雅翻

秦

王俊督三十總管水陸十餘萬屯漢口不得進

漢水入江之口

即汚口也相持踰月陳荊州刺史陳慧紀遣南康內史呂忠

肅屯岐亭

按楊素傳忠肅屯岐亭正據江峽則岐亭在西陵峽口也考異曰隋書作呂仲肅南史

作呂肅今

據巫峽

按水經江水出巫峽過秭歸夷陵逕流頭狼尾灘而後東逕西陵峽去年

從陳書

冬楊素破賊斬其舟師已過狼尾而東呂忠肅所據者蓋西陵峽也當從楊素傳作江峽為通於北岸

鑿巖綴鐵鎖三條

考異曰南史作五條今從隋書

橫截上流以遏隋

船忠肅竭其私財以充軍用楊素劉仁恩奮兵擊之四

十餘戰忠肅守險力爭隋兵死者五千餘人陳人盡取

其鼻以求功賞既而隋師屢捷獲陳之士卒三縱之忠

肅棄柵而遁素徐去其鎖

去羌呂翻

忠肅復據荊門之延洲

素遣巴蜚千人

蜚亦蠻也居巴中者曰巴蜚此水蜚之習於用舟者也蜚徒旱翻

乘五

牙四艘以拍竿碎其十餘艦

艘蘇遭翻艦戶照翻

遂大破之俘甲

士二千餘人忠肅僅以身免陳信州刺史顧覺屯安蜀

城棄城走

梁置信州於巴東西魏取之其地時屬隋故陳信州刺史屯於安蜀城

陳慧紀

屯公安

公安陳荆州治所

悉燒其儲蓄引兵東下於是巴陵以

東無復城守者陳慧紀帥將士三萬人樓船千餘艘沿

江而下

復扶又翻帥讀曰率下同將即亮翻下同

欲入援建康為秦王俊所

拒不得前是時陳晉熙王叔文罷湘州還至巴州慧紀

推叔文為盟主

巴州治巴陵

而叔文已帥巴州刺史畢寶等

致書請降於俊俊遣使迎勞之

帥讀曰率降戶江翻使疏吏翻下同勞力到翻

會建康平晉王廣命陳叔寶手書招上江諸將使樊毅

詣周羅暉陳慧紀子正業詣慧紀諭指時諸城皆解甲

羅暉乃與諸將大臨三日

將即亮翻臨力浸翻

放兵散然後詣俊

降陳慧紀亦降上江皆平楊素下至漢口與俊會王世

積在蘄口聞陳已亡告諭江南諸郡於是江州司馬黃

僖弃城走

蘄音機又音其僖音思

豫章諸郡太守皆詣世積降

守式

又翻癸巳詔遣使者巡撫陳州郡二月乙未廢淮南行臺

省

晉王廣於時將凱還也

蘇威奏請五百家置鄉正使治民間

辭訟

治直之翻下同

李德林以為本廢鄉官判事為其里閭親

識剖斷不平

為其子偽翻斷丁亂翻

今令鄉正專治五百家恐為

害更甚且要荒小縣有不至五百家者

令力丁翻要一遙翻

豈可

使兩縣共管一鄉帝不聽丙申制五百家為鄉置鄉正

一人百家為里置里長一人

長知兩翻

陳吳州刺史蕭璲

能得物情陳亡吳人推璲為主

璲戶官翻

右衛大將軍武川

宇文述帥行軍總管元契張默言等討之落叢公燕榮

以舟師自東海至

隋書宇文述代郡武川人地理志馬邑郡善陽縣大業初置代郡順政郡

鳴水縣西魏置落叢縣及落叢郡順政西魏之興州也東海郡海州燕榮舟師自海道入湖可至吳州陳置吳

州於吳郡燕因肩翻

陳永新侯陳君範自晉陵奔璲

沈約志永新縣吳立屬安

成太守隋廢安成郡為安復縣晉陵與吳接壤

并軍拒述述軍且至璲立柵於

晉陵城東留兵拒述遣其將王褒守吳州自義興入太

湖欲掩述後述進破其柵迴兵擊獄大破之

柵測革翻
將即亮翻

又遣兵別道襲吳州王褒衣道士服弃城走

衣於既翻獄以

餘衆保包山

包山在太湖中其地西北距吳縣百二十
里又名洞庭山四面皆水地占三鄉環四

十里土
宜橘柚

燕榮擊破之獄將左右數人匿民家為人所執

述進至奉公埭

燕因肩翻將音如字
領也攜也埭徒益翻

陳東揚州刺史蕭

巖以會稽降與獄皆送長安斬之

以巖等驛江陵士女
降陳也事見上卷陳

長城公禎
明元年

楊素之下荆門也遣別將龐暉將兵略地南

至湘州城中將士莫有固志

將即亮
翻下同

刺史岳陽王叔慎

年十八置酒會文武僚吏酒酣叔慎歎曰君臣之義盡

於此乎

按陳湘州刺史陳叔文既去鎮施文慶寔代之
阻隋兵不及至湘州必有守之者但未知叔慎

何時所
命耳

長史謝基伏而流涕湘州助防遂興侯正理在

坐

遂興縣侯也沈約志廬陵郡有遂興縣吳立曰新
興晉武帝太康元年更名長知兩翻坐徂卧翻

乃

起曰主辱臣死諸君獨非陳國之臣乎今天下有難

難乃

旦翻實致命之秋也縱其無成猶見臣節青門之外有死

不能

召平秦時東陵侯秦亡為民種瓜青門外正
理自謂陳亡之後不能編於民伍以求活

今日

之機不可猶豫後應者斬衆咸許諾乃刑牲結盟仍遣

人詐奉降書於龐暉

降戶江翻

暉信之剋期入城叔慎伏甲

待之暉至執之以徇并其衆皆斬之叔慎坐于射堂招

合士衆數日之中得五千人衡陽太守樊通武州刺史

鄔居業皆請舉兵助之

隋志長沙郡衡山縣舊置衡陽郡武陵郡舊置武州鄔姓其先

仕晉為鄔大夫子孫因以為氏鄔烏古翻守式又翻

隋所除湘州刺史薛胄將兵

適至與行軍總管劉仁恩共擊之叔慎遣其將陳正理

與樊通拒戰

將即亮翻

兵敗胄乘勝入城擒叔慎仁恩破鄔

居業於橫橋亦擒之俱送秦王俊斬於漢口 嶺南未

有所附數郡共奉高涼郡太夫人洗氏為主

高涼縣置高涼郡洗

音銑又音線

號聖母保境拒守詔遣柱國韋洗等安撫嶺外

陳豫章太守徐澄據南康拒之

徐澄自豫章退保南康南康郡治賴縣洗古黃

翻守式又翻澄都滕翻

洗等不得進晉王廣遣陳叔寶遺夫人書

遺于季翻諭以國亡使之歸隋夫人集首領數千人盡日慟

哭遣其孫馮魂帥衆迎洗

洗氏嫁馮融見一百六十三卷梁簡文帝大寶元年帥讀

日 洗擊斬徐澄入至廣州說諭嶺南諸州皆定

說式尚翻考

異曰隋帝紀十年八月壬申遣洸等巡撫嶺南百越皆服按陳以九年正月亡至來年八月并閏計之二十一月豈有洸氏猶不知者洸氏傳又云晉王遣陳主遺夫人書則事在九年三月前也帝紀所云蓋謂百越已服奏到朝廷之日也

表馮魂為儀同三司冊洸氏為宋康郡夫人

宋文帝元嘉九年分高涼立宋康郡隋志高涼郡杜原縣舊有永寧宋康二郡

洸夔之子也

韋夔

見一百六十七卷陳高祖永定三年夔休正翻

衡州司馬任瓌勸都督王勇據

嶺南

隋志梁置衡州於廣州合

求陳氏子孫立以為帝

勇不能用以所部來降

降戶江翻

瓌弃官去瓌忠之弟子也

任瓌志趣如此宜其能自表見於唐元也蕭摩訶兒豚犬耳

於是陳國皆平

陳高祖受梁禪

歲在丁丑至是而亡
凡五主三十三年

得州三十郡一百縣四百

按隋志陳境當

時有楊東楊南徐吳閩豐湘巴武江郢廣東衡衡高羅
新隴建城桂東寧靜南定越南合崖安交愛凡三十州

詔建康城邑宮室並平蕩耕墾更於石頭置蔣州

以蔣山名

州也晉王廣班師留王韶鎮石頭委以後事三月己巳陳

叔寶與其王公百司發建康詣長安大小在路五百里

纍纍不絕帝命權分長安士民宅以俟之內外修整遣

使迎勞陳人至者如歸

使疏吏翻勞力到翻下同

夏四月辛亥帝幸

驪山

驪山在新豐縣

親勞旋師乙巳諸軍凱入

奏凱樂而入也

獻俘于

太廟陳叔寶及諸王侯將相并乘輿服御天文圖籍等

以次行列

將即亮翻相息亮翻乘繩證翻下同行戶剛翻

仍以鐵騎圍之

騎奇寄翻

從晉王廣秦王俊入列于殿庭拜廣為太尉賜輅車乘

馬袞冕之服玄圭白璧丙辰帝坐廣陽門觀

廣陽門之觀闕也觀

古玩翻

引陳叔寶於前及太子諸王二十八人司空司馬

消難以下至尚書郎凡二百餘人

難乃旦翻

帝使納言宣詔

勞之

勞力到翻

次使內史令宣詔責以君臣不能相輔乃至

滅亡叔寶及其羣臣並愧懼伏地屏息不能對

屏必邱翻

既

而宥之初武元帝迎司馬消難

見一百六十七卷陳高祖永定二年皇考忠諫

武元帝

與消難結為兄弟情好甚篤

好呼到翻

帝每以叔父禮事

之及平陳消難至特免死配為樂戶二旬而免猶以舊

恩引見尋卒於家

見賢遍翻卒子恤翻

庚戌帝御廣陽門

廣陽門大興宮

城正南門也唐六典曰隋曰廣陽門開皇二年作仁壽元年改曰昭陽門唐武德元年改曰順天門神龍元年

改承

宴將士自門外夾道列布帛之積

將即亮翻積子賜翻凡指所聚

之物曰積去聲取物而積疊之則入聲

達于南郭班賜各有差凡用三百

餘萬段故陳之境内給復十年

復方目翻

餘州免其租賦樂

安公元諧進曰陛下威德遠被

被皮義翻

臣前請以突厥可

汗為候正

厥九勿翻可從刊入聲汗音寒

陳叔寶為令史今可用臣言

矣帝曰朕平陳國本以除逆非欲誇誕公之所奏殊非

朕心突厥不知山川何能警候叔寶昏醉寧堪驅使諧

默然而退辛酉進楊素爵為越公

按隋書楊素自清河郡公進封郢國公素

言逆人王誼前封於郢不願與之同改封越公

以其子玄感為儀同三司玄獎

為清河郡公賜物萬段粟萬石命賀若弼登御坐

坐徂卧翻

賜物八千段加位上柱國進爵宋公仍各加賜金寶及

陳叔寶妹為妾賀若弼韓擒虎爭功於帝前弼曰臣在

蔣山死戰破其銳卒擒其驍將

驍堅堯翻將即亮翻下同

震揚威武

遂平陳國韓擒虎略不交陳

陳讀曰陣

豈臣之比擒虎曰本

奉明旨令臣與弼同時合勢以取偽都弼乃敢先期

先志

薦翻逢賊遂戰致令將士傷死甚多臣以輕騎五百兵不

血刃直取金陵降任蠻奴

騎奇寄翻降戶江翻任音壬

執陳叔寶據

其府庫傾其巢穴弼至夕方扣北掖門臣啓關而納之

斯乃救罪不暇安得與臣相比帝曰二將俱為上勳於

是進擒虎位上柱國賜物八千段有司劾擒虎放縱士

卒淫汙陳宮

劾戶緊翻又戶得翻汙烏路翻

坐此不加爵邑加高頰上

柱國進爵齊公

頰居迴翻頰自勃海郡公進爵齊國公

賜物九千段帝勞

之曰公伐陳後人言公反朕已斬之君臣道合非青蠅

所能間也

勞力到翻青蠅以諭讒言間古覓翻

帝從容命頰與賀若弼論

平陳事

從千容翻

頰曰賀若弼先獻十策後於蔣山苦戰破

賊臣文吏耳焉敢與大將論功

焉於虔翻將即亮翻

帝大笑嘉其

有讓帝之伐陳也使高頰問方略於上儀同三司李德

林以授晉王廣至是帝賞其功授柱國封郡公賞物三千段已宣勅訖或說高頴曰今歸功於李德林諸將必當憤惋

說翰尚翻
惋烏貫翻

且後世觀公有若虛行頴入言之乃

止以秦王俊為揚州總管四十四州諸軍事鎮廣陵晉王廣還并州晉王廣之戮陳五佞也

五佞謂施文慶沈客卿陽慧朗徐析

暨慧景

未知都官尚書孔範散騎常侍王瑳王儀御史中

丞沈瓘之罪故得免及至長安事並露乙未帝暴其過惡投之邊裔以謝吳越之人瑳刻薄貪鄙忌害才能儀

傾巧側媚獻二女以求親昵

散志重翻騎奇寄翻

璿險

慘苛酷發言邪諂故同臯焉帝給賜陳叔寶甚厚數得

引見班同三品每預宴恐致傷心為不奏吳音

數所角翻見賢

通翻為于偽翻

後監守者奏言叔寶云既無秩位每預朝集願

得一官號帝曰叔寶全無心肝監者又言叔寶常醉

監古

銜翻朝直通翻

罕有醒時帝問飲酒幾何對曰與其子弟日飲

一石帝大驚使節其酒既而曰任其性不爾何以過日

嗚呼此陳叔寶所以得死於枕席也

帝以陳氏子弟既多恐其在京城為

非乃分置邊州給田業使為生歲時賜衣服以安全之

詔以陳尚書令江總為上開府儀同三司僕射袁憲驃

騎蕭摩訶領軍任忠皆為開府儀同三司

射寅謝翻驃
匹妙翻騎奇

寄翻任

音壬

吏部尚書吳興姚察為秘書丞上嘉袁憲雅操

下詔以為江表稱首授昌州刺史

隋志春陵郡後魏置
南荊州西魏改曰昌

州

聞陳散騎常侍袁元友數直言於陳叔寶擢拜主爵

侍郎

散悉宜翻騎奇寄翻隋志
主爵侍郎屬吏部尚書

謂羣臣曰平陳之初我

悔不殺任蠻奴受人榮祿兼當重寄不能橫尸徇國乃

云無所用力與引演納肝何其遠也

衛懿公與狄人戰于焚澤為狄人所

殺引演納肝以狗之

帝見周羅睺慰諭之許以富貴羅睺垂泣對

曰臣荷陳氏厚遇

荷下可翻

本朝淪亡無節可紀

朝直遙翻下同

得

免於死陛下之賜也何富貴之敢望賀若弼謂羅睺曰

聞公郢漢捉兵

若人者翻捉把也

即知揚州可得王師利涉果

如所量

量音良

羅睺曰若得與公周旋勝負未可知

周羅睺何

以得此於賀若弼哉史家溢美耳

頃之拜上儀同三司先是陳將羊翹

來降

先志薦翹降戶江翻

伐陳之役使為鄉導

鄉讀曰鄉

位至上開府

儀同三司班在羅睺上韓擒虎於朝堂戲之曰不知機

變乃立在羊翔之下能無愧乎

朝直選翻

羅睺曰昔在江南

久承令問

令力定翻美也

謂公天下節士今日所言殊非所望

擒虎有愧色帝之責陳君臣也陳叔文獨欣然有得色

得色自得其意而形於色

既而復上表自陳

復扶又翻

昔在巴州已先送

款乞知此情望異常例帝雖嫌其不忠而欲懷柔江表

乃授叔文開府儀同三司拜宜州刺史

宜州置於京兆華原縣

初

陳散騎常侍韋鼎聘于周

韋鼎傳陳太建中聘周散悉宣翻騎奇寄翻

遇帝

而異之謂帝曰公當大貴貴則天下一家歲一周天

星歲

木星也十二年一周天

老夫當委質於公

質如字

及至德之初

陳長城公

即位改元至德

鼎為太府卿盡賣田宅大匠卿毛彪問其故鼎

曰江東王氣盡於此矣

王于況翻又音如字

吾與爾當葬長安及

陳平上召鼎為上儀同三司鼎獻之孫也

韋獻著功名於梁武帝之

時

壬戌詔曰今率土大同含生遂性太平之法方可流

行凡我臣民澡身浴德家家自修人人克念

書曰惟狂克念作聖

兵可立威不可不戢刑可助化不可專行禁衛九重之

餘

重直龍翻

鎮守四方之外戎旅軍器皆宜停罷世路既夷

羣方無事武力之子俱可學經民間甲仗悉皆除毀頒

告天下咸悉此意賀若弼撰其所畫策上之

若人者翻撰士免翻

述也上時掌翻

謂為御授平陳七策帝弗省

省悉井翻視也

曰公欲發

揚我名我不求名公宜自載家傳

傳直總翻

弼位望隆重兄

弟並封郡公為刺史列將家之珍玩不可勝計

將即亮翻勝音

升婢妾曳羅綺者數百

羅交眼綺細綾

時人榮之其後突厥來

朝

厥九勿翻朝直送翻

上謂之曰汝聞江南有陳國天子乎對曰

聞之上命左右引突厥詣韓擒虎前曰此是執得陳國
天子者擒虎厲色顧之突厥惶恐不敢仰視左衛將軍
龐晃等短高頰於上上怒皆黜之

龐晃自結納於潛蹤
之辰與上情契甚密

而與高頰有隙與廣平王雄挾舊
屢言頰之短故皆被黜頰居永翻
親禮逾密因謂頰曰

獨孤公猶鏡也每被磨瑩皎然益明初頰父賓為獨孤
信僚佐賜姓獨孤氏故上常呼為獨孤而不名

按獨孤
信之誅

妻子徙蜀獨孤后以賓父之故吏每往來其家頰之遭
遇豈專以才略哉外得君而內蒙君母親禮也及夫外
則見忌於君內則失愛於君母
隨見疎弃君臣之際可無謹乎
樂安公元諧性豪俠

有氣調

調徒鈞翻

少與上同學甚相愛及即位累歷顯仕諧

好排詆不能取媚左右

少詩照翻好呼到翻

與上柱國王誼善誼

誅

王誼誅見一百七十六卷陳長城公至德三年

上稍疎忌之或告諧與從父

弟上開府儀同三司滂臨澤侯田鸞

隋志毗陵郡義興縣舊有臨澤縣從

才用

上儀同三司祈緒等謀反

祈姓出於黃帝黃帝子得姓者十四人祈其一

翻

也又曰晉獻侯四世孫曰

奚食邑於祈子孫以為氏

下有司案驗奏諧謀令祈緒

勒党項兵斷巴蜀

下遐嫁翻令力丁翻斷音短

又諧嘗與滂同謁上

諧私謂滂曰我是主人殿上者賊也因令滂望氣滂曰

彼雲似蹲狗走鹿

蹲慈尊翻

不如我輩有福德雲上大怒諧

滂驚緒並伏誅

考異曰德林傳云德林以梁士彥元諧頻有逆意江南抗衡上國乃著天命論

上之諧傳云平陳後數歲人告諧謀反按諧請以叔寶為內史則陳亡時猶在楊雄方用事諧欲諧去之則雄未為司空故附於此按內史當依正文作令史按通鑑正文亦書元諧言請以陳叔寶為令史按內史隋之要官元諧安敢請以陳叔寶為是官邪

閏月己卯以吏部尚書蘇威為右

僕射

射寅謝翻

六月乙丑以荊州總管楊素為納言

朝野

皆稱封禪

朝直遙翻下同稱當作請又切請稱舉也言朝野舉封禪事為言也

秋七月丙

午詔曰豈可命一將軍除一小國遐邇注意便謂太平

以薄德而封名山用虛言而干上帝非朕攸聞而今而後言及封禪宜即禁絕左衛大將軍廣平王雄貴寵特盛與高頴虞慶則蘇威稱為四貴雄寬容下士

下遐嫁翻

朝野傾屬

屬之欲翻

上惡其得衆

惡烏路翻

陰忌之不欲其典兵

馬八月壬戌以雄為司空實奪之權雄既無職務乃杜

門不通賓客

雄以是能保其身於猜忌之朝

帝踐阼之初柱國沛公

鄭譯請修正雅樂詔太常卿牛弘國子祭酒辛彥之博

士何妥等議之積年不決

妥他果翻

譯言古樂十二律旋相

為宮各用七聲世莫能通譯因龜茲人蘇祇婆善琵琶始得其法推演為十二均八十四調以校太樂所奏例皆乖越譯又於七音之外更立一聲謂之應聲作書宣

示朝廷

隋志譯云考尋樂府鍾石律呂皆有宮商角徵羽變宮變徵之名七聲之內三聲乖應每恒求

訪終莫能通先是周武帝時有龜茲人蘇祇婆從突厥皇后入國善胡琵琶聽其所奏一均之中間有七聲因而問之調有七種以其七調勘校七聲冥若合符一曰婆陀力華言平聲即宮聲也二曰雞識華言長聲即南呂聲也三曰沙識華言質直聲即角聲也四曰沙侯加儼華言應聲即變徵聲也五曰沙臘華言應和聲即徵聲也六曰般瞻華言五聲即羽聲也七曰俟利筵華言斛牛聲即變宮聲也譯因習而彈之始得七聲之正然

其就此七調又有五旦之名旦作七調以華言譯之旦者則謂均也其聲亦應黃鍾太簇林鍾姑洗五均已外七律更無調聲譯遂因其所按琵琶絃柱相飲為均推演其聲更立七均合成十二以應十二律律有七音音立一調故成七調十二律合八十四調旋轉相交盡皆和合仍以其聲考校太樂所奏林鍾之宮應用林鍾為宮乃用黃鍾為宮應用南呂為商乃用太簇為商應用應鍾為角乃取姑洗為角故林鍾一宮七聲三聲並戾其十一宮七十七音例皆乖越莫有通者又以編懸有八因作八音之樂七音之外更立一聲謂之應聲作書二十餘篇以明其指龜茲音丘慈賢曰今音丘勿翻茲音沮惟翻蓋急言耳

與邳公世子蘇

夔議累黍定律時人以音律久無通者非譯夔一朝可定帝素不悅學而牛弘不精音律何安自耻宿儒反不

逮譯等常欲沮壞其事

沮在呂翻
壞音怪

乃立議非十二律旋

相為宮及七調

調徒鈞
翻下同

競為異議各立朋黨或欲令各

造樂待成擇其善者而從之安恐樂成善惡易見

易弋
鼓翻

乃請帝張樂試之先白帝云黃鍾象人君之德及奏黃

鍾之調帝曰滔滔和雅甚與我心會安因奏止用黃鍾

一宮不假餘律帝悅從之時又有樂工萬寶常

萬姓也
孟子門

人有妙達鍾律譯等為黃鍾調成奏之帝召問寶常寶

萬章

常曰此亡國之音也帝不悅寶常請以水尺為律以調

樂器上從之

以調如字

寶常造諸樂器其聲率下鄭譯調二

律損益樂器不可勝紀

勝音升

其聲雅淡不為時人所好

好呼到翻

太常善聲者多排毀之蘇夔尤忌寶常夔父威方

用事凡言樂者皆附之而短寶常寶常樂竟為威所抑

寢不行及平陳獲宋齊舊樂器并江左樂工帝令廷奏

之歎曰此華夏正聲也乃調五音為五夏二舞登歌房

內十四調賓祭用之

五夏昭夏皇夏誠夏需夏肆夏二舞文武二舞登歌升堂上而歌匏

竹在下貴人聲也帝龍潛時倚琵琶作歌二首名曰地厚天高託言夫妻之義因即取之為房內曲十四調後

周故事懸鍾磬法七正七倍合為十四蓋準變宮
變徵凡為七聲有正有倍為十四也夏戶雅翻

仍詔

太常置清商署以掌之時天下既壹異代器物皆集樂

府牛弘奏中國舊音多在江左

典牛南渡未能備樂石氏之亡樂人頗有自鄴

而南者苻堅淮淝之敗晉始獲樂工備金石慕容垂破
西燕盡獲苻氏舊樂子寶喪敗其鍾律令李佛等將太
樂細伎奔慕容德德子超獻之姚秦以贖其
母宋武平姚泓收歸建康故云多在江左

前克荊州

得梁樂

克荊州見一百六十五
卷梁元帝承聖三年

今平蔣州又得陳樂史

傳相承

傳直
應翻

以為合古請加修緝以備雅樂其後魏之

樂及後周所用雜有邊裔之聲皆不可用請悉傳之冬

十二月詔引與許善心姚察及通直郎虞世基參定雅

樂

按煬帝始置通直郎從六品屬謁者臺虞世基傳云以通直郎直內史省其通直散騎侍郎殿品從五

世基荔之子也

虞荔見一百六十八卷陳世祖天嘉二年荔力制翻

己巳以黃

州總管周法尚為永州摠管

隋志永安郡後齊置衡州開皇五年改曰黃州零陵

郡平陳初置永州總管府

安集嶺南給黃州兵三千五百人為帳內

陳桂州刺史錢季卿等皆詣法尚降

始安郡梁置桂州降戶江翻

定

州刺史呂子廓

鬱林郡梁置定州

據山洞不受命法尚擊斬之

以駕部侍郎狄道辛公義為岷州刺史

隋志駕部侍郎屬兵部尚

書狄道縣屬金城郡臨洮郡
溢樂縣西魏置岷州

岷州俗畏疫一人病疫闔家

避之病者多死公義命皆興置已之廳事

興羊茹翻

暑月病

人或至數百聽廊皆滿

聽與廳同

公義設榻晝夜處其間

庚昌

呂以秩祿具醫藥身自省問

省悉景翻

病者既愈乃召其親

戚諭之曰死生有命豈能相染若相染者吾死久矣皆

慙謝而去其後人有病者爭就使君

使疏吏翻

其家親戚固

留養之始相慈愛風俗遂變後遷并州刺史下車先至

獄中露坐親自驗問十餘日間決遣咸盡方還聽事受

領新訟事皆立決若有未盡必須禁者公義即宿聽事

終不還閤

還音如字
又從宣翻

或諫曰公事有程使君何自苦公

義曰刺史無德不能使民無訟豈可禁人在獄而安寢

於家乎罪人聞之咸自款服

款誠也款服
猶言誠服也

後有訟者鄉

閭父老遽曉之曰此小事何忍勤勞使君訟者多兩讓

而止

使疏
吏翻

十年春正月乙未以皇孫昭為河南王楷為華陽王

華戶

化翻昭廣之子也

二月上幸晉陽命高頴居守

頴居永
翻守手

又翻夏四月辛酉至自晉陽 成安文子李德林成安縣名文謚

也子爵也成安縣屬魏郡恃其才望論議好勝好呼到翻同列多疾之由

是以佐命元功十年不徙級德林數與蘇威異議高頴

常助威奏德林狠戾數所免翻狠戶整翻上多從威議上賜德林

莊店使自擇之德林請逆人高阿那肱衛國縣市店高阿

那肱與王謙舉兵誅衛國縣本漢觀縣屬東郡光武改曰衛國魏收地形志屬頓丘郡隋開皇六年改曰觀城

屬武陽郡上許之及幸晉陽店人訴稱高氏強奪民田於內

造店賃之賃乃禁翻蘇威因奏德林誣罔妄奏自入司農卿

李圓通等復助之曰此店收利如食千戶請計日追贓

上自是益惡之

復扶又翻下同惡烏路翻

虞慶則等奉使關東巡省

還

使疏吏翻省悉景翻還從宣翻又如字

皆奏稱鄉正專理辭訟黨與愛

憎公行貨賄不便於民上令廢之德林曰茲事臣本以

為不可然置來始爾

置鄉正見上年

復即停廢政令不一朝成

暮毀深非帝王設法之義臣望陛下自今羣臣於律令

輒欲改張即以軍法從事不然者紛紜未已上遂發怒

大詬云爾欲以我為王莽邪

上以權數得國猜疑群下以王莽篡漢變更法令而

亡疑德林以況已故
起訴苦候翻邪音耶

先是德林稱父為太尉諮議以取

贈官給事黃門侍郎猗氏陳茂等密奏德林父終於校

書妄稱諮議上甚銜之

德林之父蓋仕於魏齊之間後齊之制公府諮議參軍從第四

品校書郎第九品

至是上因數之

數所具翻又所主翻

曰公為內

猗氏縣屬河東郡

史典朕機密比不可豫計議者

比毗至翻

以公不弘耳寧自

知乎又罔冒取店妄加父官朕實忿之而未能發今當

以一州相遣耳因出為湖州刺史

烏程縣舊置吳興郡隋置湖州宋白曰湖

州古防風氏之國漢烏程縣之地隋置湖州因太湖而名長安東南三千四百四十一里

德林拜謝

曰臣不敢復望內史令請但預散參

復扶又翻又音如字散參謂散官無

職務而預朝參者散志重翻

上不許遷懷州刺史

河內郡舊置懷州

而卒

卒子

恒翻李圓通本上微時家奴有器幹及為隋公以圓通及

陳茂為參佐由是信任之梁國之廢也

梁國廢見上卷陳長城公頌明

元年上以梁太府卿柳莊為給事黃門侍郎莊有識度博

學善辭令明習典故雅達政事上及高頴皆重之與陳

茂同僚不能降意茂諧之於上上稍疎之出為饒州刺

史隋志鄱陽郡梁置吳州陳廢隋平陳置饒州

上性猜忌不悅學既任智以

獲大位因以文法自矜明察臨下恒令左右覘視內外

有過失則加以重臯

恒戶登翻覘丑
廉翻又丑艷翻

又患令史贓汙私

使人以錢帛遺之

遺于季翻

得犯立斬每於殿庭捶人一日

之中或至數四嘗怒問事揮楚不甚

問事者行杖之人也楚荆也以之篲

人篲止
崇翻

即命斬之尚書左僕射高潁治書侍御史柳或

等諫

治直之翻
或於六翻

以為朝堂非殺人之所殿廷非決罰之

地上不納潁等乃盡詣朝堂請罪

朝直遙翻
潁居永翻

上顧謂領

左右都督田元曰

後齊之制有領左右府將軍之下置
正副都督隋蓋因之煬帝改領左右

府為備
身府

吾杖重乎元曰重帝問其狀元舉手曰陛下杖

大如指捶人三十者比常杖數百故多死

捶止樂
翻下同

上不

懌乃令殿內去杖

去羌
呂翻

欲有決罰各付所由

所由猶言
所主也

後楚州行參軍李君才

隋志江都郡山陽縣舊置山陽
郡開皇十二年置楚州隋制州

置刺史長史司馬
參軍事行參軍

上言上寵高類過甚

上言之上
時掌翻

上大

怒命杖之而殿內無杖遂以馬鞭捶殺之

捶止
樂翻

自是殿

內復置杖未幾怒甚又於殿廷殺人

復扶又翻
幾居豈翻

兵部侍

郎馮基固諫

兵部尚書統兵部職方
郎庫部四曹各置侍郎

上不從竟於殿

廷殺之上亦尋悔宣慰馮基而怒羣臣之不諫者 五

月乙未詔曰魏末喪亂軍人權置坊府

元魏之季兵制有六坊後齊因

之亦曰六府

南征北伐居處無定

虞昌呂翻

家無完堵地罕

喪息浪翻

包桑

包桑多根植桑至於根多民安其居之驗

朕甚愍之凡是軍人可悉屬

州縣墾田籍帳一與民同軍府統領宜依舊式罷山東

河南及北方緣邊之地新置軍府 六月辛酉制民年

五十免役收庸 秋七月癸卯以納言楊素為內史令

冬十一月辛丑上祀南郊

隋南郊為壇於國之南太陽門外道西一里去宮十

里壇高七尺廣四丈孟春上辛祠所感
帝赤牒怒於其上以太祖武元皇帝配

江表自東晉

已來刑法疏緩世族陵駕寒門平陳之後牧民者盡更

變之

更工
衡翻

蘇威復作五教使民無長幼悉誦之士民嗟

怨民間復訛言隋欲徙之入關

復扶
又翻

遠近驚駭於是婺

州汪文進越州高智慧蘇州沈玄愴皆舉兵反

隋志東
陽郡平

陳置婺州會稽郡梁置東陽州陳改吳州平陳改吳
州後改越州吳郡陳置吳州平陳改蘇州愴烏外翻

自

稱天子署置百官樂安蔡道人蔣山李悽饒州吳世華

温州沈孝徹泉州王國慶杭州楊寶英交州李春等皆

自稱大都督

政隋志無樂安下曰陳之故境則當於陳境求之沈約志鄱陽太守有樂安縣吳立

新唐志台州有樂安縣唐初析臨海置以下文汪文進令蔡道人守樂安觀之蓋台州之樂安蔣山在蔣州江寧縣永嘉郡開皇九年置廣州十二年改括州唐高宗上元元年始析括州之永嘉安固置温州安陸郡京山縣有温州非陳境當是永嘉之温州史追書耳建安郡陳置閩州平陳改曰泉州餘杭郡平陳置杭州交趾郡舊曰交州攻陷州縣陳之故境大抵皆反大者有衆數

凌力膺翻

萬小者數千共相影響執縣令或抽其腸或齧其肉食

之曰更能使儂誦五教邪

邪音耶

詔以楊素為行軍總管

以討之素將濟江使始興麥鐵杖戴束橐夜浮渡江

隋志

南海郡始興縣南齊置東衡州平陳權置廣州總管府姓苑高要始興有麥姓

覘賊還而復往

為賊所擒

覘丑原翻又丑斃翻復扶又翻還從宣翻

遣兵仗三十人防之鐵

杖取賊刀亂斬防者殺之皆盡割其鼻懷之以歸素大

奇之奏授儀同三司素帥舟師自楊子津入

楊子津在今真州楊

子縣南帥讀曰率

擊賊帥朱莫問於京口破之

京口今鎮江府帥所類翻下同

進擊晉陵賊帥顧世興無錫賊帥葉略皆平之

隋志晉陵無錫

二縣皆屬常州考異曰北史楊素傳作葉皓今從隋書

沈玄憎敗走素追禽之高

智慧據浙江東岸為營周亘百餘里船艦被江

艦戶點翻被皮

義素擊之子總管南陽來護兒

子總管裨將也領兵屬總管南陽郡舊置荊州

開皇初改為鄧州姓苑邾子姓商之支孫食采於邾因以為氏後避難去邑漢功臣表有軼侯來倉

言於

素曰吳人輕銳利在舟楫必死之賊難與爭鋒公宜嚴

陳以待之

陳讀曰陣

勿與接刃請假奇兵數千潛度江掩破

其壁使退無所歸進不得戰此韓信破趙之策也

韓信破趙

見十卷漢

素從之護兒以輕舸數百

舸古我翻

直登江岸襲

破其營因縱火烟焰漲天賊顧火而懼素因縱兵奮擊

大破之賊遂潰智慧逃入海素躡之至海曲召行軍記

室封德彝計事

姓苑封姓夏時封父之後

德彝陞水人救獲免易衣

見素竟不自言素後知之間其故曰私事也所以不白

素嗟異之德彝名倫以字行隆之之孫也

封隆之高汪齊佐命臣

汪

文進以蔡道人為司空守樂安素進討悉平之素遣摠

管史萬歲帥衆二千自婺州別道踰嶺越海攻破溪洞

不可勝數

帥讀曰率勝音升

前後七百餘戰轉鬪千餘里寂無

聲問者十旬遠近皆以萬歲為沒萬歲置書竹筒中浮

之於水汲者得之言於素素上其事

上時掌翻

上嗟歎賜萬

歲家錢十萬素又破沈孝徹於溫州步道向天台指臨

海按新唐志天台在台州唐興縣唐興本晉始豐縣始豐本吳之始平縣唐志云武德四年析臨海置始

豐高宗上元二年更名唐興則吳之始豐隋已併入臨海天台此時固屬海界逐捕遺逸前

後百餘戰高智慧走保閩越上以素久勞於外令馳傳

入朝傳株戀翻下同朝直遙翻素以餘賊未殄恐為後患復請行遂

乘傳至會稽素既入朝復自長安乘傳至會稽復扶又翻傳株戀翻會工外翻王國慶

自以海路艱阻非北人所習不設備素泛海奄至國慶

惶遽弃州走餘黨散入海島或守溪洞素分遣諸將水

陸追捕密令人說國慶使斬送智慧以自贖國慶乃執

送智慧斬於泉州餘黨悉降

將即亮翻說翰
芮翻降戶江翻

江南大定

素班師上遣左領軍將軍獨孤陀至浚儀迎勞比到京

師問者日至

陀徒河翻勞力
到翻比必寐翻

拜素子玄獎為儀同三司

賞賜甚厚陀信之子也

獨孤信皇后之
父後周功臣

楊素用兵多權

略馭衆嚴整每將臨敵輒求人過失而斬之多者百餘

人少不下十數流血盈前言笑自若及其對陳先令一

二百人赴敵陷陣則已

少詩沼翻陳讀
曰陣令力丁翻

如不能陷而還

者無問多少悉斬之又令二三百人復進

還從宣翻

還

如向法將士股慄有必死之心由是戰無不勝稱為名

將素時貴幸言無不從其從素行者微功必錄至佗將

將即亮翻

雖有大功多為文吏所譴却故素雖殘忍士亦以

此願從焉以并州總管晉王廣為楊州總管鎮江都

復以秦王俊為并州總管

復扶又翻

番禺夷王仲宣反

廣州

舊治番禺隋為南海縣又分置番禺縣時廣州治始興仲宣所圍者南海也番禺音潘愚

嶺南首領

多應之引兵圍廣州韋洸中流矢卒

洸古黃翻

詔以其副慕

容三藏檢校廣州道行軍事又詔給事郎裴矩巡撫嶺

南

唐六典云隋開皇六年始置六品以下散官並以郎為正階尉為從階正六品上為朝議郎下為武騎尉

從六品上為通議郎下為屯騎尉正七品上為朝請郎下為驍騎尉從七品上為朝散郎下為游騎尉正八品上為給事郎下為飛騎尉從八品上為承奉郎下為旅騎尉正九品上為儒林郎下為雲騎尉從九品上為文林郎下為羽騎尉隋志煬帝減給事黃門侍郎員去給事之名移吏部給事郎名為門下之職位次黃門下此時裴矩蓋為

吏部給事郎

矩至南康得兵數千人仲宣遣別將周師

舉園東衡州

東衡州亦治始興將即亮翻

矩與大將軍鹿愿擊斬之

鹿姓也風俗通後漢有巴郡太守鹿旗

進至南海高涼洗夫人遣其孫馮

暄將兵救廣州暄與賊將陳佛智素善逗留不進夫人

知之大怒遣使執暄繫州獄

洗忠典翻又先薦翻將即亮翻使疏吏翻

更遣

孫盎出討佛智斬之進會鹿愿於南海與慕容三藏合

擊仲宣

藏祖浪翻

仲宣衆潰廣州獲全洗氏親被甲乘介馬

張錦繖

繖線旦翻

引穀騎衛從裴矩巡撫二十餘州

穀古侯翻騎奇

寄翻從才用翻

蒼梧首領陳坦等皆來謁見

隋志蒼梧郡梁置成州隋置封州

矩承制署為刺史縣令使還統其部落嶺表遂定矩復命上謂高頴楊素曰韋洸將二萬兵不能早度嶺朕每

患其兵少

將即亮翻
少詩沼翻

裴矩以三千敝卒徑至南海有臣

若此朕亦何憂以矩為民部侍郎

民部侍郎屬
戶部尚書

拜馮盎

高州刺史

高涼郡舊
置高州

追贈馮寶廣州總管譙國公冊洗

氏為譙國夫人開譙國夫人幕府置長史以下官屬官

給印章聽發部落六州兵馬若有機急便宜行事仍敕

以夫人誠效之故特赦暄逗留之罪拜羅州刺史

宋白
曰羅

州本招義郡秦屬象郡二漢屬合浦郡元嘉
三年檀道濟于綾羅江口築石城因置羅州

皇后賜夫

人首飾及宴服一襲夫人並盛於金篋

盛時
征翻

并梁陳賜

物各藏一庫每歲時大會陳之於庭以示子孫曰我事

三代主惟用一忠順之心今賜物具存此其報也汝曹

皆念之盡赤心於天子番州摠管趙訥貪虐

按隋志廣州治南海

仁壽元年置番州趙訥貪虐必非是年事史因書之

諸俚獠多亡叛

俚音里獠

夫

人遣長史張融上封事論安撫之宜并言訥罪不可以

招懷遠人上遣推訥得其贓賄竟致於法委夫人招慰

亡叛夫人親載詔書自稱使者歷十餘州宣述上意諭

諸俚獠所至皆降

使源吏翻降戶江翻

上嘉之賜夫人臨振縣為

湯沐邑

臨振縣漢朱崖地隋煬帝置臨振郡今吉陽軍

贈馮僕崖州總管

隋志朱崖

郡梁置崖州

平原公

平原郡公也

十一年春正月皇太子妃元氏薨

為帝與皇后怒太子而廢之張本

二月戊午吐谷渾遣使入貢吐谷渾可汗夸呂聞陳亡

大懼

吐從嗽入聲谷音浴使疏吏翻可從刊入聲汗音寒

遁逃保險不敢為寇夸

呂卒子世伏立使其兄子無素奉表稱藩并獻方物請

以女備後庭上謂無素曰若依來請佗國聞之必當相

儆何以拒之朕情存安養各令遂性豈可聚斂子女以

實後宮乎竟不許 平鄉令劉曠有異政

平鄉縣屬襄國郡

以

義理曉諭訟者皆引咎而去獄中草滿庭可張羅遷臨

潁令

臨潁縣屬潁川郡潁川郡時為許州

高潁薦曠清名善政為天下第

一上召見勉之

見賢通翻

謂侍臣曰若不殊獎何以為勸丙

子優詔擢為莒州刺史

隋志琅邪郡沂水縣舊置南青州後周改為莒州

辛

巳晦日有食之初帝微時與滕穆王瓚不協帝為周

相以瓚為大宗伯瓚恐為家禍陰欲圖帝帝隱之

隋書瓚傳

瓚姿儀好書愛士有令名於當世周宣帝崩帝入禁中將總朝政令世子勇召之欲有計議瓚素與帝不協

聞名不從曰作隨國公恐不能保何乃更為族滅事耶
帝相周瓚拜大宗伯瓚見羣情未一恐為家禍陰有圖
帝之計以是言之固周
之忠臣也瓚歲旱翻 瓚妃周高祖妹順陽公主也與

獨孤后素不平陰為呪詛

呪職救翻
詛莊助翻

帝命出之瓚不可

秋八月瓚從帝幸栗園

栗園在
長安南

暴薨時人疑其遇鴆乙

亥帝至自栗園

沛達公鄭譯卒

卒子
恆翻



資治通鑑卷一百七十七

欽定四庫全書

總校官庶吉士臣侍朝

校對官檢討臣龔大萬

謄錄監生臣張子誠

欽定四庫全書薈要

史部

資治通鑑卷一百七十八

詳校官編修臣汪鏞



資治通鑑卷一百七十八 宋 司馬光 撰

胡三省 音註

 隋紀二

起玄默因敷盡屠
維協治凡八年

高祖文皇帝上之下

開皇十二年春二月己巳以蜀王秀為內史令兼右領
軍大將軍 國子博士何妥與尚書右僕射邳公蘇威
爭議事積不相能威子夔為太子通事舍人

隋制太子
通事舍人

八人屬
典書坊

少敏辯有盛名

少詩
洛翻

士大夫多附之及議樂變

與安各有持詔百僚署其所同百僚以威故同變者

什八九安恚曰吾席間函丈四十餘年

禮侍坐于先生
席間函丈何安

周武帝時已為太學博士故云然恚於避翻

反為昨暮兒之所屈邪

邪音耶

遂

奏威與禮部尚書盧愷吏部侍郎薛道衡尚書右丞王

弘考功侍郎李同等共為朋黨

吏部侍郎考功侍郎
皆屬吏部尚書尚書

左右丞分司管轄隨制尚書二十四曹侍郎獨吏部侍郎班左右丞之上吏部侍郎正四品左右丞從四品

省中呼弘為世子同等為叔言二人如威之子弟也復

言威以曲道任其從父弟徹肅罔冒為官等數事

復扶又翻

從才用翻

上命蜀王秀上柱國虞慶則等雜案之事頗有狀

上大怒秋七月乙巳威坐免官爵以開府儀同三司就

第盧愷除名知名之士坐威得罪者百餘人初周室以

來選無清濁

選宣絹翻

及愷攝吏部

按愷傳開皇九年拜禮部尚書攝吏部尚書

與薛道衡甄別士流

別被列翻

故涉朋黨之謫以至得罪未

幾

幾居豈翻

上曰蘇威德行者

行下五翻

但為人所誤耳命之通

籍

通籍殿中則得預朝請

威好立條章

好呼到翻

每歲責民間五品不

遜

孔安國曰五品謂五常遜順也

或答云管內無五品之家其不相應

領類多如此又為餘糧簿欲使有無相贍民部侍郎郎

茂以為煩迂不急皆奏罷之茂基之子也

郎基見一百六十五卷梁

世祖承聖三年

嘗為衛國令有民張元預兄弟不睦丞尉請加

嚴刑

隋志縣置令丞尉

茂曰元預兄弟本相憎疾又坐得罪彌

益其忿非化民之意也乃徐諭之以義元預等各感悔

頓首請罪遂相親睦稱為友悌已巳上享太廟

隋立四親

廟各以孟月享以太牢

壬申晦日有食之帝以天下用律者

多蹠駁

蹠乖也駁錯也蹠尺允翻駁北角翻

罪同論異八月甲戌制諸州

死罪不得輒決悉移大理案覆事盡

盡竟也

然後上省奏

裁

上時掌翻

冬十月壬午上享太廟

十一月辛亥祀南

郊

己未新義公韓擒虎卒

擒虎襲父雄爵新義郡公平陳之功以吏議不加封

爵卒子恤翻

十二月乙酉以内史令楊素為尚書右僕射

與高頴專掌朝政素性疎辯高下在心朝臣之內

朝直遙翻

頗推高頴敬牛弘厚接薛道衡視蘇威蔑如也

蔑無也視之如

無也又輕易也

自餘朝貴多被陵轢

陵乘也犯也侮也侵也陵轢踐也又車踐為轢轢郎

擊

其才藝風調優於頰

調徒

至于推誠體國處物平當

虞昌呂翻

有宰相識度不如頰遠矣右領軍大將軍賀

若弼自謂功名出朝臣之右每以宰相自許既而楊素

為僕射弼仍為將軍甚不平形於言色由是坐免官怨

望愈甚久之上下弼獄

下戶

謂之曰我以高頰楊素為

宰相汝每昌言曰此二人惟堪啗飯耳

昌言明言于廣

徒覽

是何意也弼曰頰臣之故人素臣之舅子臣並知

其為人誠有此語公卿奏弼怨望罪當死上曰臣下守

法不移公可自求活理弼曰臣恃至尊威靈將八千兵

度江

將即亮翻

擒陳叔寶竊以此望活上曰此已格外重賞

何用追論弼曰臣已蒙格外重賞今還格外望活既而

上低回數日

低降意也曰轉心也

惜其功特令除名歲餘復其爵

位上亦忌之不復任使

復扶又翻

然每宴賜遇之甚厚有

司上言府藏皆滿

上時掌翻藏徂浪翻

無所容積于廊廡

廡同甫翻

帝

曰朕既薄賦於民又大經賜用

謂賞平陳將士

何得爾也

爾猶言如

此對曰入者常多於出略計每年賜用至數百萬段曾

無減損於是更闕左藏院以受之

漢官有中藏令晉有中黃左右藏令隋初

有右藏黃藏令至是始闕左藏院藏徂浪翻

詔曰寧積於人無藏府庫河北

河東今年田租三分減一兵減半功調全免

田出租丁出調詳已

見前兵受田計畝為功以其所出備器械備糗糧今亦減其半調徒弔翻

時天下戶口歲增

京輔及三河地少而人衆

京輔謂關內三河謂河東河南河北少與小同

衣食

不給帝乃發使四出均天下之田其狹鄉每丁纔至二

十畝老少又少焉

使疏吏翻老少詩照翻又少音詩沼翻

十三年春正月壬子上祀感生帝

隋以火德王以赤帝赤燁怒為感生帝

壬戌行幸岐州

岐州扶風郡

二月丙午詔營仁壽宮於岐

州之北

仁壽宮在岐州普閭縣

使楊素監之

監古衙翻

素奏前萊州刺

史宇文愷檢校將作大匠

隋志東萊郡舊置光州開皇五年更名萊州隋制未除授

正官而領其務者為檢校官將作大匠掌工作宇文愷有巧思奏使之領作

記室封德彝為

土木監

土木監掌土木之事以營宮暫置之非常設之官

於是夷山堙谷以立

宮殿崇臺累榭宛轉相屬

屬之欲翻

役使嚴急丁夫多死疲

頓顛仆推填坑坎覆以土石

推吐雷翻覆數又翻

因而築為平地

死者以萬數

丁亥上至自岐州

己卯立皇孫暕為

豫章王暕廣之子也

暕古限翻

丁酉制私家不得藏緯候

圖讖

讖楚諧翻

秋七月戊辰晦日有食之

是歲上命禮

部尚書牛弘等議明堂制度宇文愷獻明堂木樣上命

有司規度安業里地將立之而諸儒異議久之不決乃

罷之

隋志宇文愷依月令文造明堂木樣重檐複廟五房四達丈尺規矩皆有準憑帝異之命有司於安

業里為規兆蓋在長安南郭內也既以異議罷至大業中愷復奏明堂議及木樣其議云尚書帝命驗曰帝者承天立五府以尊天重象亦曰文祖黃曰神斗白曰顯紀黑曰立矩蒼曰靈府注曰唐虞之天府夏之世室殷之重屋周之明堂皆同矣尸子曰有虞氏曰總章周官考工記曰夏后氏世室堂修四七博四脩一注云修南

北之深也夏度以步今堂修十四步其博益以四分修之一則明堂博十七步半也臣愷按三王之世夏最為近古從質尚文理應漸就寬大何因夏室乃大殷堂相形為論理恐不爾記云堂修七博四修若夏度以步則應修七步注云今堂修十四步乃是增益記文殷周二堂獨無加字便是其義類例不同山東禮本輒加二十七之字何得殷無加尋之文周闕增筵之義研覈其趣或是不然讐校古書並無二字此乃桑間俗儒性情加減黃圖議云夏后氏益其堂之大一百四十四尺周人明堂以為兩杼間馬宮之言止論堂之一面據此為準則三代堂基並方得為上圖之制諸書所說並為下方鄭注周官獨為此義非直與古違異亦乃乖背禮文尋文求理深恐未愜尸子曰殷人陽館考工記曰殷人重屋堂修七尋堂崇三尺四阿重屋注曰其修七尋五丈六尺放夏周則其博九尋七丈二尺又曰周人明堂度九尺之筵東西九筵南北七筵堂崇一筵五室凡二筵禮

記明堂位曰天子之廟複廟重檐鄭注云複廟重屋也
注玉藻云天子廟及路寢皆如明堂制禮圖云於內室
之上起通天之觀觀八十一尺得宮之數其聲濁君之
象也大戴禮云明堂者古有之凡九室一室有四戶八
牖以茅蓋上圓下方外水曰壁雖赤綴戶白綴牖堂高
三尺東西九仞南北七筵其宮方三百步周書明堂曰
堂方百一十二尺高四尺階博六尺三寸室居內方百
尺室內方六十尺戶高八尺博四尺作洛曰明堂太廟
路寢咸有四阿重亢重廊孔氏注云重亢累棟重廊累
屋也禮圖曰秦明堂九室十二階各有所居呂氏春秋
曰有十二堂與月令同並不論尺丈臣愷案十二階雖
不與禮合一月一階非無理思黃圖曰堂方百四十四
尺坤之策也方象地屋圓楯徑二百一十六尺法乾之
策也圓象天室九宮法九州太室方六丈法坤之變數
十二堂法十二月三十六戶法極陰之變數七十二牖
法五行所行日數八達象八風法八卦通天臺徑九尺

象乾以九履六高八十一尺法黃鍾九九之數二十八
柱象二十八宿堂高三尺土階三等法三統堂四向五
色法四時五行殿門去殿七十二步法五行所行門堂
長四丈取太室三之二垣高無蔽目之照目恐當作日
牖六尺其外倍之殿垣方在水內法地陰也水四周於
外象四海圓法陽也水闊二十四丈象二十四氣水內
徑三丈應觀禮經武帝立明堂汶上無室其外畧依此
制太山通議今亡不可得而辨也元始四年起明堂辟
雍長安城南門制度如儀一殿垣四面門八觀水外周
堦壤高四尺禮圖曰建武三十年作明堂上圓下方上
圓法天下方法地十二堂法日辰九室法九州室八牕
八九七十二法一時之王室有二户二十九十八户法土
王十八日內堂正壇高三尺土階三等胡伯始注漢官
云古清廟蓋以茅今蓋以瓦下藉茅以存古制自晉以
前未有鷄尾其圓牆壁水一依本圖晉堂方構不合天
文既缺重樓又無壁水空堂乖五室之義直殿違九階

之文非古欺天一何過甚後魏於北臺城南造圓牆在
壁水外門在水內迴立不與牆相連其堂上九室三三
相重不依古制室間通巷違舛處多其室皆用壘累極
成褊陋宋起居注曰孝武帝大明五年立明堂其牆宇
規範擬則太廟唯十二間以應晷數梁武帝移宋時太
極殿以為明堂無室十二間自古明堂圖惟有二本一
是宗周劉熙阮譔劉昌宗等作三圖略同一是後漢建
武三十年作禮圖有本不詳撰人臣遠尋經傳簡求子
史研究衆說摭撰今圖其樣以木為之下為方堂堂
有五室上為圓觀觀有四門會遼東之役不果行

之滅陳也以陳叔寶屏風賜突厥大義公主

厥九
勿翻

公主

以其宗國之覆

謂周
亡也

心常不平書屏風為詩叙陳亡以

自寄上聞而惡之

惡烏
路翻

禮賜漸薄彭公劉昶先尚周公

主流人楊欽亡入突厥詐言昶欲與其妻作亂攻隋遣

欽密告大義公主發兵擾邊都藍可汗信之乃不修職

貢頗為邊患

可從刊入聲汗音寒

上遣車騎將軍長孫晟使於突

厥

隋制車騎將軍階正五品非職事官騎奇寄翻使疏吏翻長知兩翻

微觀察之公

主見晟言辭不遜又遣所私番人安遂迦與楊欽計議

迦求伽翻

扇惑都藍晟至京師具以狀聞上遣晟往索欽

山索

客翻都藍不與曰檢校客內無此色人晟乃賂其達官知

欽所在夜掩獲之以示都藍因發公主私事國人大以

為耻都藍執安遂迦等并以付晟上大喜加授開府儀

同三司仍遣入突厥廢公主內史侍郎裴矩請說都藍

使殺公主

說輪
芮翻

時處羅侯之子染干號突利可汗

考異
曰突

厥傳云沙鉢略子
今從長孫晟傳

居北方遣使求婚

使疏
吏翻

上使裴矩謂

之曰當殺大義公主乃許婚突利復諧之於都藍

復扶
又翻

都藍因發怒殺公主更表請婚朝議將許之

朝直
遙翻

長孫

晟曰臣觀雍虞閭反覆無信直以與玷厥有隙

雍虞閭
都藍玷

厥達
頭也所以欲依倚國家雖與為婚終當叛去今若得尚

公主承藉威靈玷厥染干必受其徵發彊而更反後恐

難圖且染干者處羅侯之子素有誠款於今兩代前乞

通婚不如許之招令南徙兵少力弱易可撫馴

少詩沼
翻易以

鼓翻馴
松倫翻

使敵雍虞閭以為邊捍上曰善復遣晟慰諭染

干許尚公主

為隋破都藍樹立染
干張本復扶又翻

牛弘使協律郎范

陽祖孝孫等參定雅樂

隋制太常有協律郎二人隋志
涿郡涿縣舊置范陽郡開皇初

郡廢又上谷郡涿水縣舊曰道開皇
元年以范陽為道縣更置范陽於此從陳陽山太守毛

瑒受京房律法

從字之上更有孝孫二字文意乃明
隋志南海郡含洹縣梁置陽山郡

布

管飛灰順月皆驗又每律生五音十二律為六十音因
而六之為三百六十音分直一歲之日以配七音而旋
相為宮之法由是著名名一作明弘等乃奏請復用旋宮法
上猶記何妥之言妥言見上注弘奏下不聽作旋宮但

卷九年

用黃鍾一宮于是弘等復為奏附順上意其前代金石
並銷毀之以息異議弘等又作武舞以象隋之功德郊

廟饗用一調迎氣用五調

郊廟用一調止用黃鍾一宮
迎氣用五調春用角夏用徵

中央用宮秋用商
冬用羽調徒鈞翻

舊工稍盡其餘聲律皆不復通

復扶
又翻

十四年春三月樂成夏四月乙丑詔行新樂且曰民間

音樂流僻日久棄其舊體競造繁聲宜加禁約務存其

本萬寶常聽太常所奏樂泣然泣曰樂聲淫厲而哀天

下不久將盡時四海全盛聞者皆謂不然大業之末其

言卒驗

卒子恒翻

寶常貧而無子久之竟餓死且死悉取其

書燒之

寶常撰樂譜六十四卷具論八音旋相為宮之法改絃移柱之變為八十四調一百四十四律

終於千八百聲為之應手成曲

曰用此何為

先是臺省府寺及諸州

皆置公廨錢

先志薦翻廨古監翻

收息取給工部尚書蘇孝慈

唐六

典工部尚書周之冬官卿也漢五曹尚書其三曰民曹
後漢以民曹兼主繕修工作鹽池園苑之事自晉宋齊
梁陳營宗廟則權置起部尚書事畢省之後周依周
官置大司空卿一人隋開皇二年始置工部尚書以

為官司出舉興生煩擾百姓敗損風俗敗補請皆禁止

給地以營農上從之六月丁卯始詔公卿以下皆給職

田職分田起于後周頃畝以品為差下至隋唐代有增減毋得治生與民爭利治直

之秋七月乙未以邳公蘇威為納言初張賓歷既

行開皇四年行張賓歷見一百七十六卷陳長城公至德二年廣平劉孝孫隋志武安郡永

平縣舊曰廣平置廣平郡仁壽元年改永平縣冀州秀才劉焯信都郡置冀州焯職畧翻並

言其失賓方有寵於上劉暉附會之共短孝孫斥罷之

後賓卒孝孫為掖縣丞

隋志萊州東萊郡治掖縣

委官入京上其事

詔留直太史

以它官入太史曹為直太史上時掌翻

累年不調

調徒鈞翻

乃抱

其書使弟子輿觀來詣闕下

觀初翻

伏而慟哭執法拘而

奏之帝異焉以問國子祭酒何妥妥言其善乃遣與賓

歷比較短長直太史勃海張胄玄

隋志勃海郡開皇六年置棣州

與孝

孫共短賓歷異論鋒起久之不定上令參問日食事楊

素等奏太史凡奏日食二十有五率皆無驗胄玄所刻

前後妙中

刻刻定也
中竹仲翻

孝孫所刻驗亦過半于是上引孝

孫胄玄等親自勞徠

勞力到翻

孝孫請先斬劉暉乃可定歷

帝不懌又罷之孝孫尋卒

卒子恒翻

關中大旱民飢上遣

左右視民食得豆屑雜糠以獻上流涕以示羣臣深自

咎責為之不御酒肉

為子偽翻

殆將一暮八月辛未上帥民

就食於洛陽

帥讀日率

勅斥候不得輒有驅逼男女參廁於

仗衛之間遇扶老攜幼者輒引馬避之慰勉而去至艱

險之處見負擔者

擔都溫翻

令左右扶助之

冬閏十月甲

寅詔以齊梁陳宗祀廢絕命高仁英蕭琮陳叔寶以時

修祭所須器物有司給之陳叔寶從帝登邙山

邙山在洛陽城

九侍飲賦詩曰日月光天德山河壯帝居太平無以報

願上東封書

上時掌翻

并表請封禪帝優詔答之它日復侍

宴

復扶又翻

及出帝目之曰此敗豈不由酒以作詩之功何

如思安時事當賀若弼度京口彼人密啓告急

度京口事見上

卷九年

叔寶飲酒遂不之省

省悉井翻

高頴至日猶見啟在牀

下未開封此誠可笑蓋天亡之也昔苻氏征伐所得國

皆榮貴其主

謂符堅也
事見晉紀

苟欲求名不知違天命與之官

乃違天也

齊州刺史盧賁

隋志齊郡舊曰
齊州治歷城

坐民飢閉

民糶

糶它
弔翻

除名帝後復欲授以一州賁對詔失旨又有

怨言帝大怒遂不用皇太子為言此輩並有佐命功雖

性行輕險

為于偽翻
行下孟翻

誠不可弃帝曰我抑屈之全其命

也微劉昉鄭譯盧賁柳裘皇甫績等則我不至此然此

等皆反覆子也當周宣帝時以無賴得幸及帝大漸顏

之儀等請以趙王輔政此輩行詐顧命於我

事見一百
七十四卷

陳宣帝太建十二年

我將為政又欲亂之故昉謀大逆譯為巫蠱

考異曰盧賁傳云昉為大逆於前譯為巫蠱於後案譯傳譯以開皇元年坐巫蠱廢昉以六年坐謀反誅賁傳誤也如賁之例皆不滿志任之則不遜置之則怨望自

為難信非我棄之衆人見此謂我薄於功臣斯不然矣

賁遂廢卒于家

卒子恤翻

晉王廣帥百官抗表固請封禪

帥讀曰率

帝令牛弘創定儀注既成帝視之曰茲事體大朕

何德以堪之但當東巡因致祭泰山耳十二月乙未車

駕東巡上好機祥小數

好呼到翻機居希翻

上儀同三司蕭吉

上書曰甲寅乙卯天地之合也

吉上時
字翻

今茲甲寅之年

以辛酉朔旦冬至來年乙卯以甲子夏至冬至陽始郊
天之日即至尊本命夏至陰始祀地之辰即皇后本命

至尊德並乾之覆育

覆敷
又翻

皇后仁同地之載養所以二

儀元氣並會本辰上大悅賜物五百段吉懿之孫也

蕭懿

梁武帝之兄
追封長沙王

員外散騎侍郎王劭言上有龍顏戴干之

表

劭云乾鑿度云秦表戴干鄭玄注云表者人形體之
彰識也干盾也秦人之表戴干散悉亶翻騎奇寄翻

指示羣臣上悅拜著作郎

隋志秘書省領太史著作
二曹著作曹置郎二人

劭

前後上表

上時掌翻

言上受命符瑞甚衆又採民間歌謠引

圖書讖緯捃摭佛經

讖楚諧翻捃居運翻摭之石翻

回易文字曲加誣

飾撰皇隋靈感志三十卷奏之上令宣示天下劾集諸

州朝集使盥手焚香而讀之曲折其聲有如歌詠經涉

旬朔徧而後罷上益喜前後賞賜優洽

洽音狹朝直逞翻使疏吏翻

十五年春正月壬戌車駕頓齊州庚午為壇于泰山柴

燎祀天以歲早謝愆咎禮如南郊又親祀青帝壇赦天

下二月丙辰收天下兵器敢私造者坐之關中緣邊

不在其例 三月己未至自東巡 仁壽宮成丁亥上

幸仁壽宮時天暑役夫死者相次於道楊素悉焚除之

上聞之不悅及至見制度壯麗大怒曰楊素殫民力為

離宮為吾結怨天下

為吾于偽翻

素聞之惶恐慮獲譴以告

封德彝曰公勿憂俟皇后至必有恩詔

考異曰隋書北史皆曰宮成

上令高穎前視奏稱頗傷綺麗太損人丁帝不悅素懼即於北門啓獨孤皇后曰帝王法有離宮別館今天下

太平造一宮何足損費后以此理喻上上乃解今從唐書

明日上果召素入對獨孤

后勞之曰

勞力到翻

公知吾夫婦老無以自娛盛飾此宮豈

非忠孝賜錢百萬錦絹三千段素負貴恃才多所陵侮
唯賞重德彞每引之與論宰相職務終日忘倦因撫其
牀曰封郎必須據吾此坐

楊素賞重封德彞非但其美略蓋心術亦相似

屢

薦於帝帝擢為內史舍人

夏四月己丑朔赦天下

六月戊子詔鑿底柱

底柱山在陝縣北大河中水經曰河水過砥柱間注云砥柱山名也

昔禹治洪水山陵當水者鑿之故破山以通河河水分流包山而過山見水中若柱然故曰砥柱三穿既決水流疎分指狀表目亦謂之三門

庚寅相州刺史豆盧通貢綾文布

燕慕

容精歸魏北人謂歸義為豆盧子孫以為氏相息亮翻

命焚之於朝堂

朝直逞翻

秋

七月納言蘇威坐從祠泰山不敬免俄而復位上謂羣

臣曰世人言蘇威詐清家累金玉此妄言也然其性狠

戾

狠戶
堅翻

不切世要求名太甚從己則悅違之必怒此其

大病耳 戊寅上至自仁壽宮 冬十月戊子以吏部

尚書韋世康為荊州總管世康洸之弟也

韋洸安輯嶺南卒于官案

隋書世康傳世康洸之兄洸古黃翻

和靜謙恕在吏部十餘年時稱廉平

按世康傳自禮部尚書轉吏部尚書在開皇四年之前七年拜襄州刺史歷安州信州總管十三年入朝復拜吏部尚書出入踐揚前後十餘年不專在吏部也

常有止足之志謂子弟曰祿

豈須多防滿則退年不待暮有疾便辭因懇乞骸骨帝
不許使鎮荊州時天下惟有四總管并揚益荆以晉秦
蜀三王及世康為之當時以為榮十一月辛酉上幸

溫湯

驪山溫湯也程大昌曰皇堂石井後周宇文護所造隋文帝又修屋宇并植松柏千餘株

十

二月戊子勅盜邊糧一升已上皆斬

考異曰刑法志事在十六年今從

紀帝仍籍沒其家已丑詔文武官以四考受代

唐虞以三年為

一考後世以一年為一考

汴州刺史令狐熙來朝

隋志榮陽郡浚儀縣東魏置梁

州後周改曰汴州令狐出於魏氏春秋晉大夫魏顆封於令狐子孫以為氏汴皮變翻

考績為天

下之最賜帛三百匹

雜物為段
純物為匹

頒告天下熙整之子也

令狐整見一百五十九

卷梁武帝中大同元年

十六年春正月丁亥以皇孫裕為平原王筠為安成王

嶷為安平王

嶷魚力翻

恪為襄城王該為高陽王韶為建安

王襲為潁川王

襲居永翻

皆勇之子也

夏六月甲午初制

工商不得仕進

秋八月丙戌詔決死罪者三奏然後

行刑

考異曰刑法志在
十五年今從帝紀

冬十月己丑上幸長春宮

隋志同州朝邑
縣有長春宮

十一月壬子還長安

党項寇會州

隋志

汶山郡後周置汶州開皇初改
曰蜀州尋為會州党底朗翻

詔發隴西兵討降之

帝以光化公主妻吐谷渾可汗世伏

妻七細翻吐從暇
入聲谷音浴可從

刊入聲
汗六寒

世伏上表請稱公主為天后上不許

伏上時
掌翻

十七年春二月癸未太平公史萬歲擊南寧羌平之

史萬

歲襲爵太平縣公隋志太平縣屬絳郡南寧之地漢屬
牂柯蜀漢屬南中晉屬寧州梁為南寧州其後為蠻氏
所據自云本安邑人七世祖晉南寧太守中國亂遂王
蠻中考之晉志未始有南寧郡西蠻蠻也非羌也通鑑
因隋紀

初梁睿之克王謙也

見一百七十四卷陳
宣帝太建十二年

西南

夷獠莫不歸附唯南寧州酋帥爨震恃遠不服

獠魯皓
翻酋慈

秋翻帥所類
翻疊七亂翻

睿上疏以為南寧州漢世牂柯之地

牂柯音臧

柯上時
掌翻

戶口殷衆金寶富饒梁南寧州刺史徐文盛為

湘東王徵赴荊州

徵兵以討侯景文盛赴之

屬東夏尚阻未遑遠略

屬之欲翻
夏戶雅翻

土民爨瓚遂竊據一方

瓚從旱翻

國家遙授刺史

其子震相承至今而震臣禮多虧貢賦不入乞因平蜀

之衆略定南寧其後南寧夷爨翫來降拜昆州刺史

就其

地置昆州降
戶江翻下同

既而復叛乃以左領軍將軍史萬歲為行

軍總管帥衆擊之

復扶又翻
帥讀曰率

入自蜻蛉川至于南中

蜻蛉

川漢靖蛉縣之地靖
倉經翻蛉郎丁翻

夷人前後屯據要害萬歲皆擊破

之過諸葛亮紀功碑

唐史南詔王鳳迦異築拓東城有諸葛亮石刻故在

度西洱

河

按唐史太宗擊西蠻開靖蛉弄棟為縣弄棟西有大勃弄小勃弄二州蠻其西與黃瓜葉榆西洱河接西

洱河即葉榆河也蘇軾曰南詔有西洱河即牂柯江也河形如月抱洱故名之為西洱河洱而止翻又而志翻

入渠濫川行千餘里破其三十餘部虜獲男女二萬餘

口諸夷大懼遣使請降獻明珠徑寸于是勒石頌美隋

德萬歲請將爨翫入朝

使疏吏翻朝直達翻請將音如字攜也領也

詔許之

爨翫陰有貳心不欲詣闕賂萬歲以金寶萬歲於是捨

翫而還

為史萬歲得罪張本
還從宣翻又如字

庚寅上幸仁壽宮 桂州

俚帥李光仕作亂

始安郡梁置桂州俚音
里帥所類翻下渠帥同

帝遣上柱國

王世積與前桂州總管周法尚討之法尚發嶺南兵世

積發嶺北兵俱會尹州

隋志鬱林郡梁置定州後
改為南定州平陳改尹州

世積

所部遇瘴不能進

瘴之亮
翻熱病

頓于衡州

隋志衡山郡
平陳置衡州

法尚

獨討之光仕戰敗帥勁兵走保白石洞

白石洞在今尋
州南六十里帥

讀曰率
下同

法尚大獲家口其黨有來降者輒以妻子還之

居旬日降者數千人

降戶
江翻

光仕眾潰而走追斬之帝又

遣員外散騎侍郎何稠募兵討光仕稠諭降其黨莫崇

等

姓苑何氏出自周成王母弟唐叔虞其後封于韓韓滅子孫分散江淮間音以韓為何字隨音變後遂為

何氏莫姓楚莫敖之後散志重翻騎奇寄翻

承制署首領為州縣官稠安之

兄子也

妥他果翻

上以嶺南夷越數反

數所角翻

以汴州刺史令

狐熙為桂州總管十七州諸軍事許以便宜從事刺史

以下官得承制補授熙至部大弘恩信其溪洞渠帥更

相謂曰

令力丁翻帥所類翻更工衡翻

前時總管皆以兵威相脅今者

乃以手教相諭我輩其可違乎於是相帥歸附先是州

縣生梗

先志薦翻

長吏多不得之官

長知兩翻

寄政於總管府熙

悉遣之為建城邑

為于偽翻

開設學校華夷感化焉俚帥

帥所

類翻審猛力在陳世已據南海隋因而撫之拜安州刺史

猛力恃險驕倨未嘗參謁熙諭以恩信猛力感之詣府

請謁不敢為非熙奏改安州為欽州

隋志寧越郡梁置安州今改欽州

帝以所在屬官不敬憚其上事難克舉三月壬辰詔

諸司論屬官罪有律輕情重者聽於律外斟酌決杖於

是上下相驅迭行捶楚以殘暴為幹能以守法為懦弱

捶止崇翻懦乃卧翻又奴亂翻

帝以盜賊繁多命盜一錢以上皆弃市

或三人共盜一瓜事發即死于是行旅皆晏起早宿

恐避

遁觸罪也

考異曰刑法

天下懍懍有數人劫執事而

志作晚宿必早字誤耳

謂之曰吾豈求財者邪

邪音耶

但為枉人來耳而為我奏

至尊自古以來體國立法未有盜一錢而死者也而不

為我以聞吾更來而屬無類矣帝聞之為傳此法

自古以來

閭里奸豪持吏短長者則有之矣未聞持其上至此者
宜隋季之多盜也天下之富一錢之積是以古之為政
欲其平易近民為于偽翻而為而不而屬之而猶言汝也
帝嘗乘怒欲以六月杖殺

人大理少卿河東趙綽固爭

隋制九寺各置卿少卿各一人河東縣蒲州河東郡

治少始照翻

曰季夏之月天地成長庶類

長知兩翻下同

不可以此

時誅殺帝報曰六月雖曰生長此時必有雷霆我則天

而行有何不可遂殺之大理掌固來曠上言大理官司

太寬

掌固蓋即漢之掌故唐省臺寺監皆有掌固因隋制也上時掌翻

帝以曠為忠直

遣每旦於五品行中參見

遣猶使也行戶剛翻見賢遍翻

曠又告少卿

趙綽濫免徒囚帝使信臣推驗初無阿曲帝怒命斬之

綽固爭以為曠不合死帝拂衣入閣綽矯言臣更不理

曠自有他事未及奏聞帝命引入閣綽再拜請曰臣有
死臯三臣為大理少卿不能制御掌固使曠觸挂天刑
一也因不合死而臣不能死爭二也臣本無佗事而妄
言求入三也帝解顏會獨孤后在坐坐祖命賜綽二金
盃酒并盃賜之曠因免死徙廣州蕭摩訶子世略在江
南作亂摩訶當從坐上曰世畧年未二十亦何能為以
其名將之子為人所逼耳將即亮翻因赦摩訶綽固諫不可
上不能奪欲綽去而赦之因命綽退食綽曰臣奏獄未

決不敢退上曰大理其為朕特赦摩訶也因命左右釋

之為于偽翻刑部侍郎辛亶嘗衣緋禪衣於既翻禪古俗云

利官上以為厭蠱

厭一叶翻又於琰翻

將斬之綽曰法不當死臣

不敢奉詔上怒甚曰卿惜辛亶而不自惜也命引綽斬

之綽曰陛下寧殺臣不可殺辛亶至朝堂解衣當斬上

使人謂綽曰竟何如對曰執法一心不敢惜死上拂衣

而入良久乃釋之明日謝綽勞勉之賜物三百段

勞力到翻

時上禁行惡錢有二人在市以惡錢易好者武侯執以

聞

武侯屬左右武侯將軍掌
晝夜巡察執捕奸非也

上令悉斬之綽進諫曰此

人所坐當杖殺之非法上曰不關卿事綽曰陛下不以

臣愚暗置在法司欲妄殺人豈得不關臣事上曰撼大

木不動者當退對曰臣望感天心何論動木上復曰啜

羹者熱則置之

復扶又翻下
同啜昌悅翻

天子之威欲相挫邪

邪音耶

綽拜而益前訶之不肖退

訶虎何翻

上遂入治書侍御史柳

或復上奏切諫上乃止

治直之翻復
上時掌翻

上以綽有誠直之

心每引入閣中或遇上與皇后同榻即呼綽坐評論得

失前後賞賜萬計與大理卿薛胄同時俱名平恕然胄

斷獄以情而綽守法俱為稱職

斷丁亂翻稱尺證翻

胄端之子也

薛端仕周為蔡州刺史無它異稱

帝晚節用法益峻御史於元日不劾

武官衣劔之不齊者

劾戶益翻又戶得翻

帝曰爾為御史縱捨自

由命殺之諫議大夫毛思祖諫又殺之

隋門下省置諫議大夫七人

將作寺丞以課麥麴遲晚

麴圭玄翻類篇曰麥莖也

武庫令以署庭

荒蕪

武庫令屬衛尉寺

左右出使或授牧宰馬鞭鸚鵡武

使疏吏翻授當

作帝察知並親臨斬之帝既喜怒不恒不復依準科律

恒戶登翻
復扶又翻

信任楊素素復任情不平與鴻臚少卿陳延

有隙

少始照翻

嘗經蕃客館庭中有馬屎又衆僕於甑上擣

捕以白帝帝大怒主客令及擣捕者皆杖殺之樞陳延

幾死

隋志鴻臚寺統典客令即主客也屎式爾翻糞也樞止藥翻幾居依翻

帝遣親衛大

都督長安屈突通往隴西檢覆羣牧

隋氏置左右親衛左右勛衛左右翊

衛有大都督帥都督都督等官煬帝改大都督為校尉帥都督為旅帥都督為隊正屈突虜複姓其先昌黎徒

河人徙家長安隴西郎渭州屈九勿翻

得隱匿馬二萬餘匹帝大怒將斬

太僕卿慕容悉達及諸監官千五百人

太僕卿掌牧畜之政故欲誅之

通諫曰人命至重陛下奈何以畜產之故殺千有餘人

臣敢以死請帝瞋目叱之

瞋昌真翻

通又頓首曰臣一身分

死

分扶問翻

就陛下勾千餘人命帝感寤曰朕之不明以至

於此賴有卿忠言耳于是悉達等皆減死論擢通為左

武侯將軍

隋志左右武侯掌車駕出先驅後殿晝夜巡察執捕奸非烽候道路水草所置巡狩師田

則掌其營禁也

上柱國劉昶與帝有舊帝甚親之其子居士

任俠不遵法度數有罪

數所角翻

上以昶故每原之居士轉

驕恣取公卿子弟雄健者輒將至家以車輪括其頸而

棒之

棒蒲
項翻

殆死能不屈者稱為壯士釋而與交黨與三

百人毆擊路人

毆鳥
口翻

多所侵奪至于公卿妃主莫敢與

校或告居士謀為不軌帝怒斬之公卿子弟坐居士除

名者甚衆

楊素牛弘等復薦張胄玄歷術

去年帝勞
徠胄玄既

而罷之復
扶又翻

上令楊素與術數人立議六十一事皆舊法

久難通者令暉等與胄玄等辨析暉杜口一無所答胄

玄通者五十四上乃拜胄玄員外散騎侍郎兼太史令

賜物千段令參定新術

散悉重翻
騎奇寄翻

至是胄玄歷成夏四

月戊寅詔頒新歷前造歷者劉暉四人並除名 秋七

月桂州人李世賢反上議討之諸將數人請行將即亮翻上

不許顧右武侯大將軍虞慶則曰位居宰相爵乃上公

開皇初慶則嘗為尚書右僕射宰相之職也授上柱國封魯國公上公也國家有賊遂無行

意何也慶則拜謝恐慰乃以慶則為桂州道行軍總管

討平之 秦王俊幼仁恕喜佛教喜許記翻嘗請為沙門不

許及為并州總管俊為并州總管見上卷十年漸好奢侈違越制度

盛治宮室俊好內治直之翻其妻崔氏引度之妹也性

好呼報翻

妬於瓜中進毒由是得疾徵還京師上以其奢縱丁亥

免俊官以王就第崔妃以毒王廢絕賜死於家左武衛

將軍劉昇

曹魏置武衛將軍自晉至于高齊並屬左衛右衛至隋始與左右衛並列於十二衛府諫

曰秦王非有佗過但費官物營廨舍而已

廨古監翻

臣謂可

容上曰法不可違楊素諫曰秦王之過不應至此願陛

下詳之

復扶又翻

上曰我是五兒之父

上五子太子勇晉王廣秦王俊蜀王秀漢

王諒非兆民之父若如公意何不別制天子兒律以周公

之為人尚誅管蔡我誠不及周公遠矣安能虧法乎卒

不許

楊素逢君之惡者也它日贊決以廢勇立廣蓋有見於此卒子恆翻

戊戌突厥突

利可汗來逆女

厥九勿翻可從刊入聲汗音寒

上舍之太常教習六禮

六禮納采問名納吉納徵請期親迎

妻以宗女安義公主上欲離間都藍

故特厚其禮

妻七細翻問古覓翻

遣太常卿牛弘納言蘇威民部

尚書斛律孝卿相繼為使

開皇三年改度支尚書為民部尚書使疏吏翻

突利

本居北方既尚主長孫晟說其帥衆南徙居度斤舊鎮

度斤舊鎮蓋即都斤山突厥沙鉢略舊所居也帥讀曰率

錫賚優厚

賚來代翻

都藍怒曰

我大可汗也反不如染干於是朝貢遂絕以來抄掠邊

鄙

朝直送翻下同
去吏翻抄楚交翻

突利伺知動靜輒遣奏聞由是邊

鄙每先有備

同相吏翻

九月甲申上至自仁壽宮何稠

之自嶺南還也

是年二月何稠討嶺南

竄猛力請隨稠入朝稠見

其疾篤遣還欽州與之約曰八九月間可詣京師相見

使還奏狀上意不懌

使疏吏翻下同

冬十月猛力病卒上謂稠

曰汝前不將猛力來今竟死矣稠曰猛力與臣約假令

身死當遣子入侍

令力丁翻

越人性直其子必來猛力臨終

果戒其子長真曰我與大使約不可失信

使疏吏翻

汝葬我

畢宜即登路長真嗣為刺史如言入朝

嗣祥史翻

上大悅曰

何稠著信蠻夷乃至于此

魯公虞慶則之討李世賢

也以婦弟趙什住為隨府長史

長知西翻

什住通于慶則愛

妾恐事泄乃宣言慶則不欲此行上聞之禮賜甚薄慶

則還至潭州臨桂嶺

隋書虞慶則傳作潭州臨桂嶺宋白曰隋平陳改湘州為潭州杜佑

曰取昭潭為名

觀眺山川形勢曰此誠險固加以足糧若守得

其人攻不可拔使什住馳詣京師奏事觀上顏色什住

因告慶則謀反下有司案驗

下退孫翻

十二月壬子慶則坐

死拜什住為柱國 高麗王湯聞陳亡大懼治兵積穀

為拒守之策

麗力知翻 治直之翻

是歲上賜湯璽書責以雖稱藩

附誠節未盡且曰彼之一方雖地狹人少

璽斯氏翻 少詩治翻下同

今若黜王不可虛置終須更選官屬就彼安撫王若洒

心易行

洒讀曰沈 行下孟翻

率由憲章即是朕之良臣何勞別遣

才彥王謂遼水之廣何如長江高麗之人多少陳國

少詩

治翻朕若不存含育責王前愆命一將軍何待多力殷勤

曉示許王自新耳湯得書惶恐將奉表陳謝會病卒

卒子

恤
子元嗣立上使使拜元為上開府儀同三司襲爵遼

東公

使使疏吏
翻下同

元奉表謝恩因請封王上許之

自時隋
終以高

麗為意後遂
以佳兵亡國

吐谷渾大亂

吐從嚴入
聲谷音浴

國人殺世伏立

其弟伏允為主遣使陳廢立之事并謝專命之罪且請

依俗尚主上從之自是朝貢歲至

朝直
遼翻

十八年春二月甲辰上幸仁壽宮 高麗王元帥靺鞨

之衆萬餘寇遼西

隋書靺鞨在高麗之北凡有七種其
一號栗末部與高麗接其二曰伯咄

部在栗末之北其三曰安車骨部在伯咄東北其四曰
拂涅部在伯咄東其五曰號室部在拂涅東其六曰黑

水部在安車骨西北其七曰白山部在東未東南而黑
水部猶為勁健即古之肅慎氏也遼西郡治柳城隋置
營州總官府韓莫
撥翻鞞戶葛翻 營州總管韋冲擊走之上聞而大怒

乙巳以漢王諒王世積並為行軍元帥將水陸三十萬

伐高麗

帥所類翻
將即亮翻

以尚書左僕射高類為漢王長史

長知

兩翻周羅睺為水軍總管

延州刺史獨孤陀

隋志延安
郡後魏置

東夏州西魏改
延州陀徒河翻

有婢曰徐阿尼

阿烏葛翻尼
希夷翻下同

事猫鬼能

使之殺人云每殺人則死家財物潛移於畜猫鬼家會

獨孤后及楊素妻鄭氏俱有疾鑿皆曰猫鬼疾也

隋書
陀傳

云徐阿尼事猫鬼每以子夜祀之言于者鼠也陀嘗從家中索酒其妻曰無錢可酤陀因謂阿尼曰可令猫鬼向越公家使我足錢也阿尼便呪之居數日猫鬼向素家十一年上初從井州還陀謂阿尼曰可令猫鬼向皇后所使多賜吾物阿尼復呪之遂入宮中大理丞楊遠乃於門下外省遣阿尼呼猫鬼阿尼于是夜中置香粥一盃以匙扣而呼之曰猫女可來無住宮中久之阿尼色正青若被牽曳者云猫鬼已至由是其事具得實畜吁玉翻

上以陀后之異母弟陀妻楊素異母妹由是意

陀所為令高頰等雜治之具得其實

治直之翻

上怒令以犢

車載陀夫妻將賜死獨孤后三日不食為之請命曰

為于

為翻陀若蠹政害民者妾不敢言今坐為妾身敢請其

下同

命陀弟司勳侍郎整詣闕求哀

司勳侍郎屬吏部尚書

於是免陀

死除名為民以其妻楊氏為尼先是有人訟其母為貓

鬼所殺者上以為妖妄怒而遣之

妖於驕翻

至是詔誅被訟

行貓鬼家

先悉薦翻被皮義翻

夏四月辛亥詔畜貓鬼蠱毒厭媚

野道之家

隋書志江南諸郡往往畜蠱而宜春偏甚其法以五月五日聚百種虫大者至蛇小者至

蠱合置器中令自相啖餘一種存者留之蛇則曰蛇蠱蠱則曰蠱蠱行以殺人因食入人腹內食其五藏死則

其產移入蠱主之家三年不殺它人則畜者自鍾其弊累世子孫相傳不絕亦有隨女子嫁者厭於琰翻媚音

魁並投於四裔 六月丙寅下詔黜高麗王元官爵

麗力

知漢王諒軍出臨渝關

臨渝關在柳城西四百八十里所謂盧龍之險也渝漢書音喻

值水潦餽運不繼軍中乏食復遇疾疫

復扶又翻

周羅喉自

東萊泛海趣平壤城

隋書平壤城東西六里隨山屈曲南臨湏水杜佑曰平壤城則故朝

鮮國王險城也趣七喻翻

亦遭風船多飄沒秋九月己丑師還死者

什八九高麗王元亦惶懼遣使謝罪

使疏吏翻下同

上表稱遼

東糞土臣元上于是罷兵待之如初百濟王昌遣使奉

表請為軍導帝下詔諭以高麗服罪朕已赦之不可致

伐厚其使而遣之高麗頗知其事以兵侵掠其境辛

卯上至自仁壽宮 冬十一月癸未上祀南郊 十二

月自京師至仁壽宮置行宮十有二所 南寧夷曩翫

復反

復扶又翻

蜀王秀奏史萬歲受賂縱賊致生邊患上責

萬歲萬歲詆譌

譌落千翻又力徒翻詆拒諱也譌逆辭也

上怒命斬之高熲

及左衛大將軍元旻等固請曰萬歲雄略過人將士樂

為致力雖古名將未能過也上意少解于是除名為民

將即亮翻樂音

洛少詩沼翻

十九年春正月癸酉赦天下 二月甲寅上幸仁壽宮

仁壽宮成於開皇十五年方其成也文帝怒欲罪楊素獨孤后喜而賞之繼此屢幸仁壽宮至仁壽之末卒死于仁壽宮仁者壽帝窮民力以作離宮可謂仁乎其不得死于是宮宜矣帝怒楊素而不加之罪其后喜則亦從而喜之豈非奢侈之能移人觸境而動至于流連而不知反卒詒萬世笑是知君德以節儉為貴也

突厥突利可汗因長孫晟奏言都藍可汗作攻具欲攻

大同城

唐志自夏州北度烏水行五百三十餘里過橫水又行百一十九里至安樂戍戍在河西濡東

濡有古大同城今大同城古永濟柵也厥允勿翻可從刊入聲汗音寒長知兩翻晟承正翻

詔以漢

王諒為元帥

帥所類翻

尚書左僕射高類出朔州道

隋志馬邑郡舊

州置朔

右僕射楊素出靈州道

靈武郡後魏置靈州

上柱國燕榮出

幽州道以擊都藍

燕因有翻

皆取漢王節度然漢王竟不臨

戎都藍聞之與達頭可汗結盟合兵掩襲突利大戰長

城下突利大敗都藍盡殺其兄弟子姪遂度河入蔚州

隋志雁門郡靈丘縣後周置蔚州蔚紆勿翻

突利部落散亡夜與長孫晟以

五騎南走

騎奇寄翻下同

比旦行百餘里

比必寐翻及也

收得數百騎

突利與其下謀曰今兵敗入朝一降人耳

朝直遙翻下同降戶剛翻

大隋天子豈禮我乎玷厥雖來本無冤隙

冤猶怨也

若往投

之必相存濟晟知之密遣使者入伏遠鎮

使疏吏翻

令速舉

烽突利見四烽俱發以問晟晟給之曰城高地迫必遙

見賊來我國家法若賊少舉二烽

紹蕩亥翻
少詩沿翻

來多舉三

烽大逼舉四烽彼見賊多而又近耳突利大懼謂其衆

曰追兵已逼且可投城既入鎮晟留其達官執室領其

衆自將突利馳驛入朝

將如字

夏四月丁酉突利至長安

帝大喜以晟為左勳衛驃騎將軍

隋制驃騎將軍正四品驃匹妙翻騎奇寄

翻持節護突厥上令突利與都藍使者因頭特勒相辨

詰突利辭直上乃厚待之都藍弟郁速六弃其妻子與

突利歸朝

使疏吏翻
朝直遙翻

上嘉之使突利多遺之珍寶以慰

其心

遺于季翻

高頴使上柱國趙仲卿將兵三千為前鋒至

族蠡山

將即亮翻
蠡音黎

與突厥遇交戰七日大破之追奔至

乞伏泊復破之虜千餘口雜畜萬計突厥復大舉而至

仲卿為方陳

厥九勿翻下同畜許又翻
復扶又翻陳讀曰陣下同

四面拒戰凡五

日會高頴大兵至合擊之突厥敗走追度白道踰泰山

七百餘里而還

還從宣翻
又如字

楊素軍與達頭遇先是諸將

與突厥戰慮其騎兵奔突皆以戎車步騎相參設鹿角

為方陳騎在其內

此古法也雖衛青劉裕未之能易也所謂先為不可勝以待敵之可勝者

也先悉薦翻騎奇寄翻下同

素曰此乃自固之道未足以取勝也于

是悉除舊法令諸軍為騎陳達頭聞之大喜曰天賜我

也下馬仰天而拜帥騎兵十餘萬直前上儀同三司周

羅睺曰賊陳未整請擊之帥精騎逆戰素以大兵繼之

突厥大敗達頭被重創而遁殺傷不可勝計其衆號哭

而去

魏舒毀車崇卒以敗狄楊素除戎車為騎陳以破突厥皆鼓撓而勝耳帥讀曰率勝音升號戶高翻

六月丁酉以豫章王暕為內史令

暕古限翻

宜陽公王

世積為涼州總管其親信安定皇甫孝諧有罪

王世積封宜陽

郡公隋志河南郡宜陽縣後魏置宜陽郡武威郡舊置涼州安定郡舊置涇州吏捕之亡抵世

積世積不納孝諧配防桂州

配防者配隸軍伍使之防守

因上變稱

世積嘗令道人相其貴不

上時掌翻令力丁翻相息亮翻不讀曰否

道人答

曰公當為國主又將之涼州

之往也

其所親謂世積曰河

西天下精兵處可圖大事世積曰涼州土曠人希非用

武之國世積坐誅拜孝諧上大將軍獨孤后性妬忌

後宮莫敢進御尉遲迥女孫有美色先沒宮中

尉紆勿翻先悉

荐翻
下同

上於仁壽宮見而悅之因得幸后同上聽朝

伺相
吏翻

朝直
還翻

陰殺之上由是大怒單騎從苑中出不由徑路入

山谷間二十餘里高頴楊素等追及上扣馬苦諫上太

息曰吾貴為天子不得自由高頴曰陛下豈以一婦人

而輕天下上意少解

少詩
洛翻

駐馬良久中夜方還宮后俟

上於閣內及至后流涕拜謝頴素等和解之

還音旋
又如字

因

置酒極歡先是后以高頴父之家客甚見親禮

頴父賓
為獨孤

信參佐信被誅后以賓父之故吏數往來其家

至是聞頴謂已為一婦人遂銜

之時太子勇失愛於上潜有廢立之志從容謂頰曰

從千

客翻有神告晉王妃言王必有天下若之何頰長跪曰長

幼有序其可廢乎

長幼之長知兩翻

獨孤后知頰不可奪陰欲

去之

為后諧頰張本去羌呂翻

會上令選東宮衛士以入上臺頰奏

稱若盡取彊者恐東宮宿衛太劣上作色曰我有時出

入宿衛須得勇毅太子毓德春宮左右何須壯士此極

弊法如我意者恒於交番之日分向東宮上下團伍不

別

三百人為團五人為伍恒戶登翻上時掌翻下退嫁翻別彼列翻

豈非佳事我熟見

前代公不須仍踵舊風頰子表仁娶太子女故上以此

言防之頰夫人卒

卒子恤翻

獨孤后言于上曰高僕射老矣

而喪夫人

喪息浪翻

陛下何能不為之娶

為于偽翻下同

上以后言

告頰頰流涕謝曰臣今已老退朝唯齋居讀佛經而已

朝直還翻

雖陛下垂哀之深至于納室非臣所願上乃止既

而頰愛妾生男上聞之極喜后甚不悅上問其故后曰

陛下尚復信高頰邪

復扶又翻邪音耶

始陛下欲為頰娶頰心

存愛妾面欺陛下今其詐已見

見賢遍翻

安得信之上由是

疎頰伐遼之役

去年伐遼

頰固諫不從及師無功后言於上

曰頰初不欲行陛下強遣之

強其兩翻

妄固知其無功矣又

上以漢王年少

少詩照翻

專委軍事於頰頰以任寄隆重每

懷至公無自疑之意諒所言多不用諒甚銜之及還泣

言於后曰兒幸免高頰所殺上聞之彌不平及擊突厥

出白道進圖入磧

磧大磧也即所謂大漠磧七迹翻

遣使請兵

使疏走翻

近

臣緣此言頰欲反上未有所答頰已破突厥而還

此即謂前

破突厥事還從宣翻又如字

及王世積誅推覈之際有宮禁中事云

於頰處得之上大驚有司又奏頰及左右衛大將軍元
旻元胄並與世積交通受其名馬之贈旻胄坐免官上

柱國賀若弼吳州總管宇文弼

若人者翻弼古弼字

刑部尚書薛

胄

開皇三年改都官尚書為刑部尚書

民部尚書斛律孝卿兵部尚書柳

述等明頰無罪上愈怒皆以屬吏

屬之欲翻

自是朝臣無敢

言者

朝直選翻

秋八月癸卯頰坐免上柱國左僕射以齊公

就第未幾上幸秦王俊第召頰侍宴頰歎悲不自勝

幾居豈翻歎音虛歎音希又許既翻勝音升

獨孤后亦對之泣上謂頰曰朕

不負公公自負也因謂侍臣曰我於高頴勝於兒子雖

或不見常似目前自其解落瞑然忘之

解落謂解官落職也瞑莫定翻

如本無高頴人臣不可以身要君

要一送翻

自云第一也頃

之頴國令上頴陰事

隋制王國公國皆有令有尉上時掌翻

稱其子表仁

謂頴曰司馬仲達初託疾不朝遂有天下

司馬懿字仲達事見魏邵

陵厲公紀朝直遙翻

公今遇此焉知非福

頴國官承望上指以此誣頴蓋亦習見趙什住

皇甫孝諧受賞而利之也焉於虔翻

於是上大怒囚頴於內史省而鞠之

憲司復奏沙門真覺嘗謂頴云明年國有大喪

憲司法司也復

扶又翻喪
息郎翻

尼令暉復云十七十八年皇帝有大厄十九

年不可過上聞而益怒顧謂羣臣曰帝王豈可力求孔

子以大聖之才猶不得天下頰與子言自比晉帝此何

心乎有司請斬之上曰去年殺虞慶則今茲斬王世積

如更誅頰天下其謂我何於是除名為民頰初為僕射

帝受禪頰
即為僕射

其母戒之曰汝富貴已極但有一斫頭耳爾

其慎之頰由是常恐禍變至是頰歡然無恨色先是國

子祭酒元善言於上曰楊素麤疎蘇威怯懦元胄元旻

正似鼻耳

楚辭曰寧汎汎若水中之鳧與波上下以全吾軀乎元善之意謂此先志薦翻

可以

付社稷者唯獨高頴上初然之及頴得罪上深責之善

憂懼而卒

卒子恤翻

九月以太常卿牛弘為吏部尚書弘

選舉先德行而後文才務在審慎雖致停緩其所進用

並多稱職

先志荐翻行下孟翻後戶遺翻稱尺證翻

吏部侍郎高孝基監賞

機晤清慎絕倫然爽俊有餘迹似輕薄時宰多以此疑

之唯弘深識其真推心任委隋之選舉得人於斯為最

時論彌服弘識度之遠冬十月甲午以突厥突利可

汗為意利珍豆啓民可汗華言意智健也

厥九勿翻可從刊入聲

音寒突厥歸啓民者男女萬餘口上命長孫晟將五萬人

於朔州築大利城以處之

長知兩翻晟承正翻將即亮翻下同大利城在雲內縣東

北隋志定襄郡治大利縣處昌呂翻下同時安義公主已卒

十七年安義公主嫁突厥卒子

恤翻復使晟持節送宗女義成公主以妻之

復音扶又翻妻七細翻

晟奏染干部落歸者益衆雖在長城之內猶被雍虞間

抄掠不得寧居

抄楚文翻

請徙五原以河為固

鹽州五原之地

於夏

勝兩州之間

隋志朔方郡後魏置夏州榆林郡開皇二十年置勝州杜佑曰勝州治榆林縣漢沙

南縣地有雲中城拂雲堆金河紫河白馬邑
郡善陽界流入縣西有漢五原城夏戶雅翻東西至河

南北四百里掘為橫塹

塹七

令處其內

令力丁翻

使得

處昌呂翻

任情畜牧上從之又令上柱國趙仲卿屯兵二萬為啓

民防達頭

為于偽翻

代州總管韓洪等將步騎一萬鎮恒安

隋志雁門後周置肆州開皇五年改曰代州舊唐志恒
安鎮在隋馬邑郡雲內縣界唐為雲州雲中縣即後魏
所都平城之

地恒戶登翻

達頭騎十萬來寇韓洪軍大敗

騎奇寄翻

仲卿

自樂寧鎮邀擊斬首千餘級帝遣越公楊素出靈州

行軍總管韓僧壽出慶州

弘化郡開皇十六年置慶州

太平公史萬

歲出燕州

涿郡懷戎縣後齊置北燕州後周去北字燕因肩翻

大將軍武威姚辨

出河州

抱罕郡舊置河州

以擊都藍師未出塞十二月乙未都

藍為部下所殺達頭自立為步迦

加迦音

可汗其國大亂

長孫晟言於上曰今官軍臨境戰數有功

數所角翻

虜內自

攜離其主被殺乘此招撫可以盡降請遣染干部下分

道招慰上從之降者甚衆

被皮義翻降戶江翻

資治通鑑卷一百七十八